

**Zhezu Kirisi wi kagala
NAGAWA
Zhan wi na
Sɛwɛ wi nawa sɛnrɛ**

Zhezu wi pitunɔ Zhan wo wila ki sɛwɛ ɲa wi pye maa torogo Azi tara legiliziye koloshyen yeri. Nala wo ni, pe maa ki tara ti yinri Turiki. Wila ki sɛwɛ ɲa wi yonlogɔ Zhezu wi senɔlɔ ki yegele cenme ɲgele kaa toro ke kosaga yeri. Ki wagati wi ni, Ɔromu tara wunlumbolo to wila pye na jaa paa wi gbogo paa Yenɲele la yen. Tagafenne mbele paa je mbege pye paa jolo jɛɲge pe tagawa pi kala na, ɛɛn fɔ pɛle la pye wa ki kotogo sila pye pe ni mbe je. Zhan wo jate paa wi yigi maa le kaso wa logɔ fugo tara nda pe yinri Patimosi ti ni, naa wila pye na Yenɲele sɛnrɛ ti yari ki kala na (1.9). Ɔromu tara fanɲga fenne paa ki logɔ fugo tara ti pye paa pe kaso yen. Pa we Fɔ Zhezu wila wi yeɛ naga wa Zhan wi na yariyanra ta ni, mee wi pye ma yo yaraga ɲga fuun wì yan, wigi yonlogɔ.

Wa sɛwɛ wi ni, Zhan wì para tegere yaara, naa kacɛn kagala konaa yaara yanlere sɛnrɛ na. Ki yaara ti ni fuun naa ti kɔrɔ wi. Paa yege nagawa yen, jirige ki ni, koloshyen wo yen na para ɲga kigi yeɛ yon fili ko sɛnrɛ na. Kogoloni wo yen na para ɲga kii ki yeɛ yon fili ko sɛnrɛ na. Yarifige ko yen na para cew tawa sɛnrɛ na. Yariyenge ko yen na para jogowɔ pyewe sɛnrɛ na. Kogɔje wo yen na para tipege fanɲga yaara ti yen ma

gbogolo laga nga na ko senre na. Yarifelege ko yen na para Sotanla yinne lo senre na, a wongaala pe pye wi tunmbyeele.

Sewe wi nawa senre ti gboc yen yariyanra nda ti yen na para goto kagala koro senre na. Ki yariyanra ti yen naga nari paa yege nga na lere na wi yen tagawa ni pe yaa kaa jolo, paa yege nga na leele jolofenne pe yaa ka ye jologo konaa paa yege nga na mbele pe taga Yennele lo naa Zhezu Kirisi wi na pe yaa ka sho.

Laga sewe wi ni, Zhan wi yen naga yuun tagafenne pe kan fo Zhezu wi se mo, wi yaa songoro mbe pan mboo woolo pe sho, mbe si nga kii daga Yennele ca wunluwo pi ni ki tongo.

Wa sewe wi go konjbannga ki ni, Zhan wi yen naga yuun we kan paa yege nga Zhezu wila wi yee naga wi na. Mbe taga le ko na, wi sewe wi yen ma kon ma yiri konsagboro kolshyen. Konsagbogo nunjba nunjba pyew ki yen ma kon ma yiri konsara kolshyen fun. Sewe wi konsagboro kolshyen ti nda:

1. Seweele kolshyen mbele paa torogo Azi kinda legiliziye pe yeri (2-3)
2. Sewe wi tegere kolshyen re (4.1-8.6)
3. Mbaanra kolshyen (8.7-11.19)
4. Kacen kagala tugbonjolo kolshyen (12-15)
5. Yennele li nanjbanwa wajengele kolshyen (16)
6. Kagala kolshyen Babiloni cagbogo ki wogo na (17.1-19.10)
7. Yariyanra kolshyen punjo woro dunruya kogo konaa Zheruzalemu ca fonngo ki wogo na (19.11-22.5)

Wa sɛwɛ wi kɔsaga, Zhezu wì yɔn fɔlɔ lɛ ma yo fɔ: «Ee, sannì jɛnri mila paan.» Tagafenne pege shɔ pe yo fɔ: «Anmiina, ta paan we Fɔ Zhezu.»

Sɛwɛ wì yɛn ma kɔɔnlɔ yɛgɛ n̄ga na

Sɛwɛ wì lesaga sɛnrɛ 1.1-8

Zhezu wì yɛn wa legiliziyɛ kɔlɔshyɛn pe sɔgɔwɔ 1.9-20

Sɛwɛɛɛ mbele pàa torogo Legiliziyɛ kɔlɔshyɛn pe yeri 2-3

Wunluwɔ jɔngɔ, naa sɛɛgɛ sɛwɛ n̄a pe ma migi konaa Simbapɔ 4-5

Tɛgɛrɛ kɔlɔshyɛn 6.1-8.1

Mbaanra kɔlɔshyɛn 8.2-11.19

Kacɛn kagala kɔlɔshyɛn 12.1-15.4

Yɛn̄ɛɛ li nan̄gbanwa wɔjɛn̄ɛɛ kɔlɔshyɛn 15.5-16.21

Babilɔni ca ki tɔngɔwɔ konaa Zheruzalɛmu ca fɔn̄ɔgɔ 17.1-22.5

Sɛnrɛ pun̄gɔ woro konaa duwaw sɛnrɛ 22.6-21

Sɛwɛ wì yɔnlɔgɔ go

¹ Kagala n̄gele Zhezu Kirisi wì naga ke yɛn laga ki sɛwɛ n̄a wi ni. Yɛn̄ɛɛ lìgì kan wi yeri wi ke naga, j̄n̄gɔ sannì jɛnri n̄ga ki daga mbe pye wigi naga wi tunmbyeele pe na. Kirisi wìla wi mɛrɛgɛ wa tun wi tunmbyee Zhan wi yeri, a wì saa ke naga wi na.

² Kagala n̄gele fuun Zhan wì yan wì ke yɛgɛ yo. Wi yɛn na Yɛn̄ɛɛ li sɛnrɛ to naa kaselege n̄ga Zhezu Kirisi wì naga ti sɛrɛya wi yuun lagamɛ.

³ Lere n̄a wi yɛn naga sɛwɛ n̄a wi kara, naa mbele pe yɛn na Yɛn̄ɛɛ li sɛnyoro nda ti nuru, ma nda ti yɛn ma yɔnlɔgɔ ti yigi na tanri ti na,

ferewe yen pe woo! Katugu ti kagala ke yaa pye mbe yon fili sanga na ni wi yongo.

*Sharaga nga Zhan wila kan
legiliziye koloshyen pe yeri*

⁴ Mi Zhan mila ki sewe na wi torogi legiliziye koloshyen mbele pe yen wa Azi kinda wi ni pe kan. Yinme naa yeyinngge ti kan ye yeri ti yiri wa Yenngelɛ li yeri, lo na li yen wa, lo na laa pye wa konaa lo na li yen na paan we; ti kan ye yeri naa ti yiri wa yinngelɛ koloshyen ngele ke yen wa li wunluwo jongo ki yegɛ sogowo ke yeri.

⁵ Ti kan ye yeri ti yiri wa Zhezu Kirisi wi yeri, wo na wi yen serɛfo na wi yen senre nungba yofɔ we, wo wi pye kongbanna ma yen ma yiri wa kuulo pe sogowo, wo wi yen tara na wunlumbolo pe Wunluwo.

We yen maa ndanla, a wi we kapere ti laga we na wi kunwo kasanwa pi ni,

⁶ ma we tegɛ we pye wunluwo naa saraga wofenne waa tunngo piin wi To Yenngelɛ li kan. Gbogowo naa yawa pi pye Zhezu Kirisi wi woo fo sanga pyew! Anmiina.

⁷ *Ye wele, wila paan wa kambaara!†ti ni! Leele pe ni fuun pe yaa kaa yan, ali mbele paà wi sun njanraga ki ni. Tara na cengɛle wuolo pe ni fuun pe yaa kaa kafonnɔ waa wi kala na. Ee, ki yaa ka pye ma† Anmiina.*

⁸ We Fo Yenngelɛ ligi yo ma yo fo: «Mi yen Alifa naa Omenɔa.» Lo li yen Yawa pi ni fuun fo, lo na li yen wa, lo na laa pye wa konaa lo na li yen na paan we.

† 1:7 1:7: Dani 7.13 † 1:7 1:7: Zaka 12.10

Kirisi wila wi yεε naga Zhan wi na

⁹ Mi Zhan, mi yen ye sefo, wa we gbogolomo pi ni Zhezu wi ni. Mi yen na jolo ye ni ja, ma pye ye ni ja wa wunluwo pi ni konna maga kun na yεε ni na singi ye ni ja. Paa na yigi ma kari na ni wa logo fugo nga pe yinri Patimosi ki na, Yenɲele senre to naa Kirisi wi serɛya ɲa mila yo ti kala na.

¹⁰ We Fo wi pilige† ki ni, a Yinnekpoyi li si ye na ni, a mi si magala gbolo la logo wa na punjo na paa mbanlaga magala yen.

¹¹ Laa pye na yuun fo: «Ŋga maa yaan ki yonlogo sewe na maa torogo ki legiliziye koloshyen mbele pe kan: Efezi, naa Simirini, naa Perigamu, naa Tiyatiri, naa Saridi, naa Filadelifi konna Lawodise.»

¹² A mi si kannga ma wele mbe ɲa wila para na ni wi yan. Mi kaa kannga ma wele, a mi si te fitanlaye koloshyen yan.

¹³ A mi si yaraga yenwege ka yan wa fitanlaye koloshyen pe sogowo, kila pye paa senwee pyo yen. Derege titonlogo la pye wi na ma gbɔn fo wa wi tondanra ti na. Te kurusijara la pye ma po wi kotogo ki na maa maga.

¹⁴ Wi yinzire tila pye ma filige wi na paa sumbyo sifire yen, nakoma paa yaara nda pe yinri nezhi† ti yen. Wi yengɛle kaa pye na yiin paa kason yinne yen.

¹⁵ Wi tondanra tila pye paa tuguyenre yen, nda pe le kason gbogo ni mari pe, a ti yon na yengɛle.

† **1:10 1:10:** Pilige nga senre pe yo ko ki yen we Fo wi cenpilige ye. † **1:14 1:14:** Nezhi wi ma pye ma filige paa tisaga sinndɛere yen.

Wi magala làa pye paa tònngbòò tinme yen†.

¹⁶ Wònngòlò kòlòshyen la pye wa wi kalige ki ni. Tokobi piyembye yòn shyen taan woo la pye na yinrigi wa wi yòn. Wi yege kila pye na yengele paa yònlò ki yen, na ki kaa yinrigi ngbanga we.

¹⁷ Naa mìla kaa wi yan, a mì si to le wi nògò ma pye paa gboo yen. A wì suu kalige ki taga na na ma yo fò: «Ma kaa fyè! Muwi mi yen kòngbanja naa pùngofò.

¹⁸ Mi yen yinwege na. Mìla ku, èn fò, koonja yingò, mi yen yinwege na fò sanga pyew. Mi yawa ta kunwò po naa kuulo tara ti na.

¹⁹ Ki kala na, kagala ngele maa yaan, naa ngele kaa piin yingò, naa ngele ke yaa ka pye pùngò na, ma ke yònlògò.

²⁰ Wònngòlò kòlòshyen ngele maa yaan wa na kalige ki ni, naa tɛ fitanlaye kòlòshyen pe ni, ti ngundo wi kòrò woo ña we: Wònngòlò kòlòshyen koro ke yen legiliziyè kòlòshyen pe merègye wele. Fitandlaye kòlòshyen poro pe yen legiliziyè kòlòshyen wele.»

SEWÈÈÈ KÒLÒSHYEN MBELE PAA PYE MA TOROGO

2

2-3

*Senre nda tila yònlògò ma torogo
wa Efezi ca legilizi wi kan*

¹ «Sewè yònlògò maa torogo Efezi ca legilizimerègè† wi kan maa pye fò: Ña wì

† 1:15 1.15: Dani 7.9-13; 10.6 † 2:1 2.1: **MÈRÈGÈ: Wo wi yen ña wi yen ma cèn legilizi wi go na.**

Wɔnɔŋɔlɔ kɔlɔshyɛn ke yigi wa wi kalige ki ni, na tanri wa tɛ fitanlaye kɔlɔshyɛn pe sɔgɔwɔ, wi yɛn naga yuun ma yo fɔ: ² Mɔɔ kapyegele ke jɛn, naa ma tunɔŋo ki ni konaa kagala ngele maa kunni ma yɛɛ ni ke ni. Migi jɛn ma yo ma se ya mbe lepeele pe kagala ke kun ma yɛɛ ni. Mbele pe maa pe yɛɛ piin ma yo pe yɛn pitunmbolo, ma si yala pe woro ma, m̀a pe wa ma wele ma pe yan pe yɛn yagboyoolo.

³ Ma maa kagala kunni ma yɛɛ ni, m̀a jɔlɔ na mɛgɛ ki kala na, mɛɛ si te.

⁴ Ɛɛn fɔ, mi yɛn nɔɔ jɛrɛgi, katugu m̀ila pye mɔɔ ndanla faa yɛgɛ nɔga na, m̀aga yaga.

⁵ Ki kala na, m̀a yiri laga nɔga na ma to, ma nawa to ki na, ma ma kapere ti jɛn mari yaga, maa ma kapyegele kɔnɔbanɔgala ke piin. Na mɛɛ ma kapere ti jɛn mberi yaga, mi yaa pan ma kɔrɔgɔ mbɔɔn fitanla wi lɛ mboo wɔ wa wi tɛgesaga.

⁶ Ma si yala, nɔga ko yɛn ma yeri mbɔɔn sɔn ki na: Nikolayitiye pe kapyegele ke yɛn nɔɔ mbɛngɛ paa yɛgɛ nɔga na ke yɛn nala mbɛngɛ we.

⁷ «Yinnekpoyi li yɛn na nda yuun legiliziye pe kan, nuɔnɔbɔgolo ka pye nɔga na, wi ke jan wila ti nuru jɛnɔgɛ! Nɔga ka cew ta, yinwege tige nɔga ki yɛn wa Yɛnɔlɛ li lajɛnɔgɛ ki ni, mi yaa ki pyɔ wa kan wi yeri wuu ka†.»

Senre nda tila yɔnɔlɔgɔ ma torogo wa Simirini ca legilizi wi kan

⁸ «Sewɛ yɔnɔlɔgɔ maa torogo Simirini ca legilizi mɛrɛgɛ wi kan maa pye fɔ:

† 2:7 2.7: Zhene 2.9; 3.24

«Ŋa wi yen konɓanna naa puɗgofɔ, wo ŋa wila ku ma songoro ma yen ma yiri, wi yen naga yuun ma yo fɔ:

⁹ Mɔɔ jɔlɔɔ naa ma fyɔnwɔ pi jɛn, ɛɛn fɔ, kaselege ko na, ma yen penjagboro fɔ. Mbele pe yen na pe yeɛ piin ma yo pe yen Zhufuye, ma si yala pe woro Zhufuye, pe yen nɔɔ meɛɛ ki jogo yeɛɛ ŋga na miɣi jɛn. Pe yen Sotanla wo sherigo woolo.

¹⁰ Ma kaa fyɛ jɔlɔɔ ŋga ki yaa ma ta ki na. Ye wele, Sotanla wi yaa ye wa mbe wele, mbe ye pele le kaso. Ye yaa jɔlɔ mbe gbɔn piliye ke. Ma pye tagawa ni fɔ sa gbɔn ma kunwɔ pi na, pa mi yaa yinwege wunluwɔ njala li kan ma yeri.

¹¹ «Yinnekpoyi li yen na nda yuun legiliziye pe kan, nuɗgbogolo ka pye ŋa na, wi ke jan wila ti nuru jɛɗɛ!

«Ŋa ka cew ta, kunwɔ shyɛn woo pi se ka gbɔn wi na.»

*Senre nda tila yɔnlɔɔ ma torogo
wa Perigamu ca legilizi wi kan*

¹² «Sewe yɔnlɔɔ maa torogo Perigamu ca legilizi mereɛɛ wi kan maa pye fɔ:

«Tokobi piyembye yɔn shyɛn taan woo wi yen ŋa yeri, wi yen naga yuun ma yo fɔ:

¹³ Ma censaga miɣi jɛn, ko ki yen wa laga ŋga Sotanla wi wunluwɔ jɔngɔ ki yen we. Mɔ koro ma mara na na, meɛ tagawa mba mɔ taga na na pi je, ali sanga ŋa ni na serefo Antipasi ŋa wi yen tagawa ni paa wi gbo wa ye yeri, wa laga ŋga Sotanla wi yen ma cen we.

14 Eɛn fɔ, mila ma jeregi kagala kele kala na. Leele pele wa ma ni mbele pe yen na tanri Balamu nagawa senre ti na. Balamu wo wila pye na Balaki wi nari ma yo wigi pye yege ka na Izirayeli woolo pe ta pe to kapege paa yarisunndo kara kaa, paa keenre piin†.

15 Ki pyelomɔ nunɔba pi na, mboro fun, leele pele wa ma yeri fun, mbele pe yen na tanri Nikolayitiye nagawa senre ti na.

16 Ki kala na, ma kapere ti jen mari yaga, nakoma sanni jenri mi yaa pan ma korogɔ mbe malaga gbɔn ki leele pe ni tokobi ɲa wila yinrigi wa na yɔn wi ni.

17 «Yinnekpoyi li yen na nda yuun legiliziye pe kan, nunɔbogolo ka pye ɲa na, wi ke jan wila ti nuru jɛnɔe!

«Ŋa ka cew ta, manɛ ɲa wi yen ma lara, mi yaa wi kan wi yeri. Mi yaa sinndelifige kan wi yeri, ɲga mege fɔnɲɔ yen ma yɔnlɔɔ ki na. Lere kpe sege mege ki jen ndɛɛ ki tafo wo.»

*Senre nda tila yɔnlɔɔ ma torogo
wa Tiyatiri ca legilizi wi kan*

18 «Sewe yɔnlɔɔ maa torogo Tiyatiri ca legilizi merege wi kan maa pye fɔ:

«Yenɲele li Pinambyɔ we, wo ɲa wi yengele ke yen na yiin paa kason yinne yen, a wi tɔndanra ti yen paa tuguyenre† yen, nda tila yengele we, wi yen naga yuun ma yo fɔ:

19 Mɔɔ kapyegele ke jen, mɔɔ ndanlawa pi jen, naa ma tagawa, naa ma tunmbyege konna kagala

† 2:14 2.14: Nɔmbu 31.16; 25.1-2 † 2:18 2.18: Dani 10.6

ηγελε ma maa kunni ma yεε ni ke ni. Migi jen ma yo kagala ηγελε maa piin yingɔ, kè λεγε ma we kongbanngala ke na.

²⁰ Εεν fɔ, mila ma jerεgi ηga na ki ηga: Jεε Zhezabeli maa yaga wa ma yεε yeri, wo ηa wila wi yεε piin ma yo wi yen Yenηελε yɔn senre yofɔ we, a wila na tunmbyeele pe nari na pe punngu, jango paa kεenre piin, paa yarisunndo† kara kaa.

²¹ Mì wagati kan wi yeri wi ta wuu kapere ti jen wiri yaga, εεν fɔ, wi woro na jaa mboo kεenre pyege ki jen mbege yaga.

²² Ki kala na, mi yaa wi sinngε yama sorondo na. Mbele pòo ta jεε, mi yaa jɔlɔgɔ gbɔgɔ wa pe na fun, na pee pe katijangara nda pè pye wi ni ti jen mberi yaga we.

²³ Mi yaa wi piile pe gbo. Pa kona legiliziye pe ni fuun pe yaa kaga jen mbe yo fɔ *muwi mi maa senwee piile pe jatere naa pe nawa kagala ke cancan na wele. Mi yaa ka ye ni fuun nungba nungba ye sara mbe yala ye kapyegele ke ni.*†

²⁴ «Εεν fɔ, yoro Tiyatiri ca legilizi woolo sanmbala wele, ye woro na tanri ki nagawa senre ti na, yee si ηga ki leele pe maa yinri <Sotanla wi ηgundo kagala> ke jen. Mi yen naga yuun ye kan fɔ mi se tuguro† ta yεγε taga ye go na naa.

²⁵ Εεν fɔ, ηga yè ta makɔ, yege yigi jenγε fɔ mbe sa pan.

† **2:20 2.20:** 1 Wunlu 16.31; 2 Wunlu 9.22 † **2:23 2.23:** Zhere 17.10 † **2:24 2.24:** *Mi se tuguro ta yεγε taga ye go na naa: Ko korɔ wo yen fɔ mi woro na yerewe senre ta yεγε kaan ye yeri naa yaa tanri ti na.*

26-28 Na ka cew ta mbe koro mbaa nga mila jaa ki piin fo sa gbɔn wa ki kosaga ki na, pa mi yaa yawa mba mi jate mi ta na To wi yeri pi kan wi yeri, mbe yawa kan wi yeri wi cen cengele ke go na. *Wi yaa kaa ke yege sinni tugurɔn kanngala ni, paa yege nga na pe ma cɔgo yaari we.* Pa mi yaa lalaaga wɔnnɔ† li kan ma yeri fun.

29 «Yinnekpoyi li yen na nda yuun legiliziyeye pe kan, nungbogolo ka pye na na, wi ke jan wila ti nuru jenge!»

3

Senre nda tila yɔnlogo ma torogo wa Saridi ca legilizi wi kan

1 «Sewe yɔnlogo maa torogo Saridi ca legilizimerenge wi kan maa pye fo: Yennele li yinnegele koloshyen koro naa wɔnngolo koloshyen ke yen na kee, wi yen naga yuun ma yo fo: Mɔɔ kapyegele ke jen. Migi jen ma yo ma mege ta, a leele paa ki yuun ma yo ma yen yinwege na, ma si yala ma ku.

2 Ma yee yigi, ki sannga nga ki koro ma yeri na jaa mbe ku, ma fannga le ki ni, katugu migi wele maga yan ma kapyegele ke woro ma yon fili na Yennele li yege na.

3 Ki kala na, nagawa senre nda ma ta, mari logo yege nga na, ma ma yee nawa to ki na. Ti yigi, mɔɔ kapere ti jen mari yaga. Na mee ma yee yigi, pa mi yaa pan mbɔɔn fo paa yoo yen. Mi yaa pan sanga na ni ma soo jen.

† 2:26-28 2.26-28: *Lalaaga wɔnnɔ na li yaa kan pe yeri ko yen naga nari ma yo pe yaa yawa kan pe yeri; Yuuro 2.9.*

⁴ Konaa ki ni fuun, leele pele jenri yen ma yeri wa Saridi ca, mbele pee pe yariporo ti pye ti cen fyongɔ ni†. Pe yaa ka pinle mbaa tanri na ni yariporo fire ni pe na, katugu ki daga pe ni.

⁵ Na ka cew ta, pa wi yaa ka yariporo fire le ki pyelomo mba pi na yeen we. Mi se kaa mege ki gbo mbege wo wa yinwege sewe† wi ni. Pa mi yaa kaga yo mbege filige na To wo naa wi merageye pe yegɛ na mbe yo ki lere wi yen na woo.

⁶ «Yinnekpoyi li yen na nda yuun legiliziye pe kan, nungbogolo ka pye na na, wi ke jan wila ti nuru jenge!»

*Senre nda tila yonlogo ma torogo
wa Filadelifi ca legilizi wi kan*

⁷ «Sewe yonlogo maa torogo wa Filadelifi ca legilizi merage wi kan maa pye fo:

«Na wi yen kpoyi ma pye kaselege fo, wo na wunlunana Davidi lakile† wi yen wi yeri, wo na wi yaa go ki yenge lere kpe se ya mbege ton, wo na wi yaa go ki ton lere kpe se ya mbege yenge†, wi yen naga yuun ma yo fo:

⁸ Mo kapyegele ke jen. Migi jen ma yo ma fannga ki kologo, konaa ki ni fuun, mala senre ti yigi na tanri ti na, mee je na na. Wele, mi koro yenge ma kan wa ma yegɛ, nga lere kpe se ya mbege ton.

† 3:4 3.4: Ko koro wo yen fo pe tangalomo pi yen ma sin. † 3:5 3.5: Eki 32.33 † 3:7 3.7: **Davidi lakile: Ko senre to yen naga nari ma yo fannga ki yen Zhezu wi wogo mbaa na wi daga mbe ye, nakoma na wii daga mbe ye wa Zheruzalemu fonno wi ni pe korosi.** † 3:7 3.7: Eza 22.22

⁹ Wele, mbele pe yen Sotanla wi sherigo woolo nɛɛ finlɛɛ ma yo pe yen Zhufuye, ma si yala pe woro Zhufuye, nga mi yaa pye pe na ki nga: Mi yaa pe ngbanga pe pan pe kannguuro kan ma jegele pɔɔn gbɔɔ. Pe yaa kaga jen mbe yo ma yen mala ndanla.

¹⁰ Paa mɔga kun ma yɛɛ ni mala senre ti yigi na tanri ti na, ki kala na, jɔlɔɔ wagati na wi yaa gbɔn dunruya wi ni fuun wi na, mbe tara woolo pe ni fuun pe wa mbe wele, mi fun mi yaa kɔɔn sho ki jɔlɔɔ wagati wi ni.

¹¹ Sanni jenri mi yaa pan. Nga ki yen ma yeri, ki yigi jɛngɛ, jango lere kpe ka kɔɔn wunluwo njala li sho ma yeri.

¹² Na ka cew ta, mi yaa wi pye tiyala wa na Yenɛɛɛ li sherigo gbɔɔ ki ni, wi se wo wa naa fyew. Pa mi yaa na Yenɛɛɛ li mege ki yɔnlɔɔ wi na konaa na Yenɛɛɛ li ca mege ki ni, ko nga ki yen Zheruzalemu fɔnɔ na wi yaa yiri wa naayeri, wa Yenɛɛɛ li tanla mbe tigi laga we. Pa mi yaa na mege fɔnɔ ki yɔnlɔɔ wi na fun.

¹³ «Yinnekpoyi li yen na nda yuun legiliziye pe kan, nungbogolo ka pye na na, wi ke jan wila ti nuru jɛngɛ!»

*Senre nda tila yɔnlɔɔ ma torogo
Lawodise ca legilizi wi kan*

¹⁴ «Sewe yɔnlɔɔ maa torogo Lawodise ca legilizi mɛrege wi kan maa pye fɔ:

«Na pe yinri Anmiina, wo na wi yen serefo ma pye senre nungba yofɔ naa kaselege fɔ, wo na wi yen yaara nda fuun Yenɛɛɛ li da ti nɔɔ lefo, wi yen naga yuun ma yo fɔ:

15 Mòò kapyegele ke jɛn, mɛɛ yinŋgi mɛɛ si wɛri. Nɔɔɛ ki pye ma yinŋgi, nakoma ma wɛri ki jɛn nala ndanla.

16 Ɛɛn fɔ, kɪ kaa pye ma yɛn paa tɔnmɔ wɔlɔwɔlɔ yɛn, mɛɛ yinŋgi mɛɛ si wɛri, ki kala na, mi yaa ma tuguru wa na yɔn!

17 Katugu ma maa ki yuun fɔ: Mi yɛn pen-jagbɔrɔ fɔ, mi yarijɛndɛ legɛrɛ ta jɛŋgɛ, yaraga ka kpɛ kala woro na na. Ma si yala, ma sigi jɛn mbe yo fɔ ma yɛn tee ma pye yuŋgbɔgɔrɔ naa fyɔnwɔ fɔ, naa witiwaga naa fyɔn.

18 Ki kala na, mila ma yɛrɛgi fɔ ma tɛ wa lɔ na yeri, ŋa pɛ le kason maa pye kpoyi, jango ma pye penjagbɔrɔ fɔ. Ma yaripɔrɔ fire lɔ ma ta maa ma yɛɛ poo, jango ma witiwaga ki ka kaa yaan mbe fɛrɛ wa ma na. Ma yɛngɛlɛ wɛrɛ lɔ maa ti nii wa ma yɛngɛlɛ ke ni, jango ma ta maa yaan.

19 Mbele fuun pe yɛn mala ndanla, mi maa gbanla pe na, na pe koro. Ki kala na, bala mɔɔ kapere ti jɛn mari yaga.

20 Wele, mi yɛn ma yere le yeyɔngɔ ki na na kɔrɔ ki gbɔn. Na lere wa kanla magala li logo mbe kɔrɔ ki yɛngɛ, mi yaa ye wa wi kɔrɔgɔ mbe li wi ni, wo fun wi li na ni.

21 Na fuun ka cew ta, mi yaa wi pye wi cɛn na tanla wa na wunluwɔ jɔngɔ ki na, paa yɛgɛ ŋga na mi fun mɪ cew ta ma cɛn na To wi tanla wa wi wunluwɔ jɔngɔ ki na we.

22 «Yinnekpoyi li yɛn na nda yuun legiliziyɛ pe kan, nuŋgbogolo ka pye ŋa na, wi ke jan wila ti nuru jɛŋgɛ!»

WUNLUWɔ JɔNGɔ,

NAA SELEGE SEWE NA PE MA MIGI KONAA SIMBAPYO

4

4-5

Yenñele li gbogokala wa naayeri

¹ Ko pungo na, a mi si wele, mee yeyongo ka yan yenlege wa yenñele na.

Magala na mila keli ma logo, a li para na ni paa mbanlaga magala yen, a li silan pye fo: «Lugu laga, kagala ngele ke daga mbe pye ngele koro pungo na, mi yaa ke naga ma na.»

² Le ki yonlogo ke ni, a Yinnekpoyi li si ye na ni. A mi si wele, mee wunluwo jongo ka yan wa yenñele na. Wa la pye ma cen ki wunluwo jongo ki na.

³ Na wila pye ma cen wa, wi yege cenwe pila pye na yiin paa sinndeere songbanga woro nda pe yinri zhasipi naa sariduwani ti yen. Yaanngondi la pye ma wunluwo jongo ki maga na yiin paa sinndelege nga pe yinri emerodi ki yen.

⁴ Wunluwo jonro nafa ma yiri tijere la pye ma ki wunluwo jongo ki maga. Lelele nafa ma yiri tijere la pye ma cen ki wunluwo jonro ti na, ma yariporo fire lele, ma te wunluwo njagala kankan.

⁵ Yenñele yengeme, naa magangala, naa yenñele gbaanra la pye na yinrigi wa ki wunluwo jongo ki na. Fitanlaye kolshyen la pye na yiin ngbanga wa wunluwo jongo ki yege, poro pe yen Yenñele li yinñele kolshyen wele.

⁶ Wa wunluwo jongo ki yege, yaraga ka la pye wa paa kogoje tonmo yen, mba pi yen ma veri le, ma laga yegeyege paa yaraga nga pe yinri kirisitali ki yen.

Wa wunluwo jongo ki nandogomo maga maga ki kee ki ni fuun ki na, yaara yenwere tijere la pye wa, yengele legere la pye ti na wa ti yege konaa wa ti pungo na.

⁷ Yaraga yenwege kongbannga kila pye ma yiri jara korogo, a ki shyen wogo ki yiri napige korogo, ki taanri wogo ki yege kila pye paa lere yege yen; ki tijere wogo kila pye ma yiri yon korogo, na wi yiri sire† na.

⁸ Kanwira kogoloni kogoloni la pye ki yaara yenwere tijere ti nungba nungba pyew ti na, yengele legere la pye ti na wa nawa konaa laga funwa na. Tila pye na yuuro shoo suyi sonlo naa yembine, na yuun fo:

Kpoyi, kpoyi, kpoyi, wo wi yen we Fo Yengele na li yen Yawa pi ni fuun Fo,†

lo na laa pye wa, lo na li yen wa konaa lo na li yen na paan we.

⁹ Na wi yen ma cen wa wunluwo jongo ki na, wo na wi yen yinwege na fo sanga pyew, sanga o sanga yaara yenwere tijere ti kaa wi gbogo, mbaa wi sonni, mbaa wi shari,

¹⁰ ki wagati wi ni, lelelele nafa ma yiri tijere pe ma kannguuro kan na wi yen ma cen wa wunluwo jongo ki na wi yege sogowo, ma wo na wi yen yinwege na fo sanga pyew wi gbogo. Pe

† 4:7 4.7: Eze 1.10 † 4:8 4.8: Eza 6.3

ma pe wunluwo njagala ke kologi ma ke tege le wunluwo jongo ki tanla, nee yuun fo:

¹¹ «We Fo naa we Yenhele, gbogowo naa sonmo naa yawa pi daga ma ni;

katugu mboro ma yaara ti ni fuun ti da.

Ma nandanwa kala lo fannga na ti da konaa ma pye wa.»

5

Sewe naa Simbapyo senre

¹ Kona, na wila pye ma cen wa wunluwo jongo ki na, a mi si sewe yan wa wi kalige kee ki ni migisaga. Wi nawa po naa wi pungo ki ni tila pye ma yonlogo. A pe si tegere kolshyen tege wi na maa ton.

² A mi si merenge fanngafu wa yan, wila pye naga yari magala gbolo ni na yuun fo: «Ambu ki daga wi ni wigi tegere nda ti koonlo mbe sewe wi yenge?»

³ Ee fo, lere kpe sila ta wa yenhele na, nakoma laga tara na, nakoma wa ti nogo, na wi mbaa ya mbe sewe wi yenge mbe wele wa wi nawa.

⁴ A mi nee gbele fo jenge, katugu lere kpe sila ta, na wi daga mbege sewe wi yenge mbe wele wa wi nawa.

⁵ Kona, lelele pe ni, a nungba silan pye fo: «Ma kaa gbele. Wele, jara na wi yiri wa Zhuda cenle li ni, wo na wi yen wunlunana Davidi wi setirige pyo†, wi cew ta mbe ya mbege tegere ti koonlo mbe sewe wi yenge.»

⁶ A mi si Simbapyo wa yan yeresaga wa wunluwo jongo ki nandogomo, naa wa yaara

† 5:5 5.5: Zhen 49.9-10; Eza 11.1

yenwere tijere to naa lelele pe nandogomo, wila cen ndee poo gbo. Yenngelɛ koloshyen naa yengɛle koloshyen kaa pye wi na. Koro ke yen Yenngelɛ li yinngelɛ koloshyen ngele li tun ke kari tara ti lagapyew we.

⁷ A Simbapɔ wì si pan ma sewe wi sho maa wo wa na wila pye ma cen wa wunluwo jongo ki na wi kalige kee ki ni.

⁸ Naa wila kaa sewe wi sho, a yaara yenwere tijere to naa lelele nafa ma yiri tijere pe ni, pè si kannguro kan le tara Simbapɔ wi yege sogowo. Juru la pye pe ni fuun nunɔba nunɔba pe yeri, naa te wojengɛle ni, kaa pye ma yin wusuna nuwo taan ni, to ti yen Yenngelɛ li leele kpoyi pe Yenngelɛ yenrewe we. ⁹ Paa pye na yurufonngo shoo na yuun fo:

«Mboro ki daga ma ni ma sewe wi le maa tegere ti koonlo;

katugu paa ma gbo,

ma kunwo pi fannga na, a mà leele pele go sho Yenngelɛ li kan

ma yiri cengɛle ke ni fuun ke ni, naa senre pyew ti leele pe ni fuun pe ni, naa dunruya woolo pe ni fuun pe ni konaa tara nunɔba nunɔba pyew ti ni.

¹⁰ Mà pe tege pe pye wunluwo naa saraga wofenne paa tunngo piin we Yenngelɛ li kan.

Pe yaa kaa pe wunluwo pi piin laga tara ti na.»

¹¹ A mì si wele naa, mee merɛgeye legere yogo logo. Paa pye merɛgeye waga kele ngele tegesaga legere, naa merɛgeye waga ke ke

tɛgesaga waga kɛ kɛ. Pàa pye ma wunluwɔ jɔngɔ naa yaara yenwɛrɛ naa lelɛɛɛ pe maga.

¹² Pàa pye naga yuun magala gbɔlɔ ni fɔ:
«Simbapɔɔ ɲa pàa gbo ki daga wi ni
wi yawa, naa yarijɛndɛ lɛgɛɛ, naa tijinliwɛ, naa
fanɲa,
naa gbɛmɛ, naa gbɔgɔwɔ konaa sɔnmɔ pi ta!»

¹³ Yaara nda fuun tì da, ti yɛn wa yɛnɲɛɛ na,
naa laga tara ti na, naa wa tara ti nɔgɔ, naa wa
kɔgɔje wi ni, a mì siri magala li logo fun, tila pye
na yurugo shoo na yuun fɔ:

«Sɔnmɔ, naa gbɛmɛ, naa gbɔgɔwɔ, naa yawa
mbe pye ɲa wi yɛn ma cɛn wa wunluwɔ
jɔngɔ ki na

wo naa Simbapɔɔ wi ni pe woo fɔ sanga pyew!»

¹⁴ A yaara yenwɛrɛ tijɛɛ ti nɛɛ yuun fɔ: «Anmi-
ina!» A lelɛɛɛ pè si kanɲguuro kan le tara maa
gbɔgɔ.

TEGERE KOLSHYEN

6

6.1–8.1

Tegerɛ kɔgɔlɔni ti kɔnwɔ kala

¹ Kona, a mì si Simbapɔɔ wi yan wì tɛgɛɛ
kɔlɔshyɛn ti kɔnɲbannda ti kɔn. A mì si yaara
yɛnwɛrɛ ti nunɲgba magala logo paa Yɛnɲɛɛ
gbanlaga yɛn, a ki yo fɔ: «Ta paan!»

² A mì si wele, mɛɛ shɔn fuwe yan. ɲa wila
lugu wi na, sandiga la pye wi kɛɛ, a pè wunluwɔ
njala kan wi yeri. A wì nɛɛ kee cew ni mbe sa ya
malaga ki ni†.

† 6:2 6.2: Zaka 6.1-3

³ Kona, a Simbapyɔ wì si tegerɛ shyen woro ti kɔn. A mì si yaara yenwɛrɛ shyen wogo ki magala li logo, a kì yo fɔ: «Ta paan!»

⁴ Kona, a shɔn wà yɛɛ si yiri, wìla pye yɛɛn paa kason yen. Nà wìla lugu wi na, pàa yawa kan wi yeri wi malaga ki jaraga laga tara ti ni, jango leele paa pe yɛɛ kuun. Pàa tokobi gbenɛ kan wi yeri.

⁵ Kona, a Simbapyɔ wì si tegerɛ taanri woro ti kɔn, a mì si yaara yenwɛrɛ taanri wogo ki magala li logo, a kì yo fɔ: «Ta paan!» A mì si wele, mɛɛ shɔn wɔɔ yan. Nà wìla lugu wi na, a mì si culo† yan wi kɛɛ.

⁶ A mì si magala la logo ndɛɛ lì yiri wa yaara yenwɛrɛ tijerɛ ti sɔgowɔ, ma yo fɔ: «Shɔlɔ culo nunɔba wì yaa lɔ pilige nunɔba tunɔgo pyesara ni, gbonjo culo taanri wì yaa lɔ pilige nunɔba tunɔgo pyesara ni. Ɛɛn fɔ, maga ka sinmɛ naa duven wo jɔgɔ.»

⁷ Kona, a Simbapyɔ wì si tegerɛ tijerɛ woro ti kɔn, a mì si yaara yenwɛrɛ tijerɛ wogo ki magala li logo, a kì yo fɔ: «Ta paan!»

⁸ A mì si wele, mɛɛ shɔn wa yan paa wetipiire yinriwɛ yen. Nà wìla lugu wi na, pàa pye naa yinri kunwɔ, a kuulo tarafɔ wì taga wi na. Pàa yawa kan pe yeri tara ti kɔnsaga tijerɛ wogo ki na, jango pe leele pe gbo *tokobi*, *naa funɔgo gbɔgɔ*, *naa yambewe konaa tara na wonɔgaala tipeele pe ni*†.

† 6:5 6.5: *Culo nà wìla pye wì kɛɛ wo la pye naga nari fɔ ka yaa taga yaara ti sɔnɔgɔ ki na.* † 6:8 6.8: Eze 14.21

⁹ Kona, a Simbapyo wì si tegerɛ kanɗurugo woro ti kɔn. Leele mbele pàa gbo Yenɗele li senre yarawa po naa serɛya ɗa pàa yo wi kala na, a mì si pe yinɗele ke yan wa saraga wosaga ki nɔgo.

¹⁰ Pàa pye na gbele ɗɗbanga na yuun fo: «We Fo, mboro ɗa kpoyi ma pye kaselege fo, wagati jori maa singi mbe si jɛn mbe kiti kɔn tara woolo mbele pè we gbo pe na, mbe we gbogo ki yɔngo wo pe ni?»

¹¹ A pè si deere titɔonro fire kankan pe ni fuun nunɗba nunɗba pe yeri, mee pe pye ma yo pe wogo naa wagati jɛnri ni fo pe sefenne naa pe tunɗgo pyeyɛnle mbele leele pe mbaa pe gbo, pe yɔn ki sa tin, paa yege ɗga na pàa poro jate pe gbo we.

¹² Kona, a mì si Simbapyo wi yan wila tegerɛ kɔgolonni woro ti kɔn. A tara tì si yege ɗɗbanga. A yonlo kì si kanɗa ma wo paa pariwoɗo yɛn. A yeɗge ki ni fuun kì kanɗa ma yanlaga paa kasanwa† yɛn.

¹³ A wɔnɗolo kè yiri wa naayeri ma toori laga tara, paa yege ɗga na tifelingboɗo ma figiye tige yangara maga pire tugɔonro ti kɔonlo mari wo we.

¹⁴ A naayeri wì yiri wa wi yɔngolo ke ni paa yege ɗga na pe ma selege sewe migi† we. A pè yanwira naa logo furo ti ni fuun ti kɔlogi mari wo wa ti yɔngolo ke ni.

¹⁵ Tara na wunlumbolo, naa legboolo, naa sorodasheelee teelee, naa penjagboro fenne, naa

† 6:12 6.12: Zhoue 2.10 † 6:14 6.14: Eza 34.4

fanna fenne, naa leele sanmbala pe ni fuun, kulolo naa lesele, pè si saa lara wa yaannguro were to naa yanwira nogo waliwere ti sogowa.

¹⁶ *Paa pye na yanwira to naa waara ti piin fo:* «Ye toori we na ye we lara»† ña wi yen ma cen wa wunluwo jongo ki na wi yege konaa Simbapyo wi nanngbanwa pi na.

¹⁷ Katugu pe nanngbanwa piligbogo ki gbon, ambo wi mbe ya yere mbege sige?

7

*Izirayeli lere waga cenme
naa waga nafa shyen
ma yiri tijere kala (144 000)*

¹ Ko kagala koro pungo na, a mi si merageye tijere yan yeresaga tara ti go tijere ki na. A pe si tara ti tifeere tijere ti yigi mari yerege, jango tifelege kpe ka ka gbon laga tara ti na konaa wa kogje wi na, nakoma tige ka kpe na.

² A mi si merage wa yege yan wi yiri wa yonlo yirisaga kee yeri na paan. Yennele na yinwege wolo li tegerere tila pye wi kee. Paa fanna ki kan merageye tijere mbele yeri ma yo pe tara to naa kogje wi jogo, a wi si gbele ngbanga ma pe pye fo:

³ «Yaga ka kapege pye tara to naa kogje, nakoma tire ti na fo we sa tegerere tege we Yennele li tunmbyeele pe walere ti na.»

⁴ Paa tegerere ti tege mbele walere na, pe yen yon nga na, a ki yo, a migi logo. Paa pye lere waga cenme naa waga nafa shyen ma yiri tijere

† 6:16 6.16: Oze 10.8

144 000 ma yiri Izirayeli woolo pe cengele ke ni fuun ke ni.

⁵ Wa Zhuda cenle li ni, tegerε t̄ila t̄εge mbele walere na, p̄aa pye lere waga ke ma yiri shyen. Wa Uruben cenle li ni, p̄aa pye lere waga ke ma yiri shyen. Wa Gadi cenle li ni, p̄aa pye lere waga ke ma yiri shyen 12 000.

⁶ Wa Azeri cenle li ni, p̄aa pye lere waga ke ma yiri shyen. Wa Neftali cenle li ni, p̄aa pye lere waga ke ma yiri shyen. Wa Manase cenle li ni, p̄aa pye lere waga ke ma yiri shyen 12 000.

⁷ Wa Simeyon cenle li ni, p̄aa pye lere waga ke ma yiri shyen. Wa Levi cenle li ni, p̄aa pye lere waga ke ma yiri shyen. Wa Isakari cenle li ni, p̄aa pye lere waga ke ma yiri shyen 12 000.

⁸ Wa Zabulon cenle li ni, p̄aa pye lere waga ke ma yiri shyen. Wa Zhozefu cenle li ni, p̄aa pye lere waga ke ma yiri shyen. Wa Benzhamε cenle li ni, p̄aa pye lere waga ke ma yiri shyen 12 000.

Janwa gbolo yon mbajenme

⁹ Kona, a mi si wele mee janwa gbolo la yan, lere kpe saa ya mbege leele pe jiri mbe pe yon jen. P̄aa yiri tara nungba nungba pyew ti ni, naa cengele ke ni fuun ni, naa dunruya woolo pe ni fuun ni, konaa senre pyew ti leele pe ni fuun ni. P̄aa pye ma yere wunluwo jongo konaa Simbapyo wi yege na, p̄aa deere titoonro fire le, ma sengembanra yigi wa pe keyen yi ni.

¹⁰ P̄aa pye na gbele ngbanga na yuun fo: «We showo pa pi yiri wa we Yenhele na li yen ma cen wa wunluwo jongo ki na lo naa Simbapyo wi ni pe yeri!»

11 Meregɛye pe ni fuun pàa pye ma yere ma wunluwo jongo naa lelelele konaa yaara yenwere tijere ti maga. A pè si to ma pe yere ti jiile tara ti na le wunluwo jongo ki yege na, mee Yenɛɛle li gbogo

12 ma yo fo: «Anmiina! Sonno, naa gbogowo, naa tijinliwe, naa sharaga, naa gbeme, naa yawa konaa fannga yen we Yenɛɛle li woro fo sanga pyew! Anmiina.»

13 A lelele nungba silan yewe ma yo fo: «Mbele pè deere titoonro fire ti le, ambene wele poro? Pe yiri se yeri?»

14 A mi suu yon sogo ma yo fo: «Na to, mboro maga jen.» A wi silan pye fo: «Mbele pè yiri wa jologo gbogo ki ni, poro wele. Pè pe deere titoonro ti jogo mari filige yegeyege† wa Simbapɔ wi kasanwa pi ni.

15 Ko ki ti pe yen wa Yenɛɛle li wunluwo jongo ki yege na, na tunngo piin Yenɛɛle li kan wa li sherigo gbogo ki ni sonlo naa yembine. Na wi yen ma cen wa wunluwo jongo ki na, wi yaa pye pe ni mbaa pe go singi.

16 *Fungo naa wogo se ka pe yigi naa fyew. Yonlo yama se ka gbɔn pe na naa fyew,† nakoma kafugbogo.*

17 Katugu Simbapɔ na wi yen wa wunluwo jongo ki nandogomo, wo wi yaa pye pe yege sinfo, mbe pe yege sin mbe kari pe ni wa puluyo yan yi tonno pi maa yinwege kaan we. Yenɛɛle

† 7:14 7:14: Ki senre nda ti yen lelelele senyogo, nda ti yen naga nari ma yo pe kapere ti laga pe na. † 7:16 7:16: Eza 49.10

li yaa ka yentunwɔ pi ni fuun pi tulu mboo laga wa pe yere ti na.»†

8

Tegerɛ kɔlɔshyen woro ti kɔnwɔ

¹ Naa Simbapɔ wɪla kaa tegerɛ kɔlɔshyen woro ti kɔn, a naayeri wɪ si pyeri dinw na kee leri walaga yeri.

MBAANRA KɔLɔSHYEN

8.2-11.19

² Mɛrɛgɛye kɔlɔshyen mbele pe ma yere Yɛnɛɛ li yɛgɛ na, a mɪ si pe yan. A pɛ si mbaanra kɔlɔshyen kan pe yeri.

³ A mɛrɛgɛ wà yɛgɛ si pan ma yere le saraga wɔsaga ki tanla. Wusuna sogoyaraga la pye wi yeri, pàa ki gbegele tɛ ni. A pɛ si wusuna nuwɔ taan lɛgɛwɛ kan wi yeri wuu wɔ saraga, mbe pinlɛ Yɛnɛɛ li leele kpoyi pe yɛnrɛwɛ pi ni, wa tɛ saraga wɔsaga ki na, ko ŋga ki yɛn wa wunluwɔ jɔngɔ ki yɛgɛ we.

⁴ Wusuna nuwɔ taan ŋa wɪla pye na sori, a wi wirige kɪ si yiri wa mɛrɛgɛ wɪ kɛɛ ma pinlɛ Yɛnɛɛ li leele kpoyi pe yɛnrɛwɛ pi ni na nuru wa Yɛnɛɛ li yɛgɛ na.

⁵ Kona, a mɛrɛgɛ wɪ si wusuna sogoyaraga ki lɛ maga yin saraga wɔsaga kason ka ni, maga wa laga tara ti na. A yɛnɛɛ gbaanra naa tinmɛ yiri, naa yɛnɛɛ yɛngɛlɛmɛ ni, a tara tɪ yɛgɛ.

Mbaanra kala

† **7:17 7.17:** Eza 25.8

6 Mēregeye kōlōshyēn mbele mbaanra kōlōshyēn tīla pye pe kēē, a pè si pe yēē gbēgele mberī win.

7 A mērege kōṅbanṅa wì suu mbanlaga kī win. Sīndēere tīsaga naa kason ṅga kī pinle kasanwa nī, a tī si wo laga tara tī na. A tara tī kōnsaga taanri wogo kī sogo, a tire tī kōnsaga taanri wogo kī sogo, a yantipirige kī nī fuun kī sogo.

8 A mērege shyēn woo wì suu mbanlaga kī win. A pè si yanwiga gbōgo ka cēnle wa wa kōgoje wī nī, ṅga kī yēn na yīin kason nī. A kōgoje wī kōnsaga taanri wogo kī si kanṅga kasanwa.

9 Yaara nda tī da ma pye yēnwegele na wa kōgoje wī nī, a tī kōnsaga taanri wogo kī ku, a tōnmōkōoro tī kōnsaga taanri wogo kī jōgo.

10 A mērege taanri woo wì suu mbanlaga kī win. A wōnnō gbolo là si yiri wa naayeri ma to, na yīin paa yangambolo kason yēn. Làa to gbaanla pe kōnsaga taanri wogo kī na, naa puluyo yī na.

11 Kī wōnnō pe maa lī yinri Yaritorisorogo. A tōnmō pī kōnsaga taanri woo pī kanṅga ma sori. A lelegerē ku, naa pàa kī tōnmō pī wō we, katugu pīla kanṅga ma sori.

12 A mērege tijere woo wì suu mbanlaga kī win. A pè si yōnlō kī kōnsaga taanri wogo kī gbōn, naa yēnge kī kōnsaga taanri wogo kī nī, naa wōṅgōlō ke kōnsaga taanri wogo kī nī, jango tī yanwa pī kōnsaga taanri woo pī kanṅga wōwō. Pīlige nunṅba kī kōnsaga taanri wogo, naa yēmbine lī kōnsaga taanri wogo kī yanwa pīi yiri.

¹³ A mì si wele, mɛɛ yɔn tinmɛ ta wila toro sire na wa naayeri fɔ wa lege. Wila pye naga yuun nɔgbanga fɔ: «Jɔlɔgɔ, jɔlɔgɔ, jɔlɔgɔ yɛn dunruya woolo pe wogo, mɛrɛgɛye taanri sanmbala paga pe mbaanra ti win, nɔga ki yaa pye ki kala na!»

9

¹ A mɛrɛgɛ kanɔgurugo woo wì suu mbanlaga ki win. A mì si wɔnnɔ la yan lì yiri wa naayeri ma to laga tara. A pè si wetijugo kɔsaga fu lakile wi kan li yeri.

² A wɔnnɔ lì si wetijugo ki yɛngɛ, a wirige si yiri wa ki ni paa kason gbɔgɔ wirige yɛn. A ki wetijugo wirige ki yɔnlɔ konna naayeri wi wɔ.

³ A gbato si yiri wa wirige ki ni ma jaraga tara ti na. A pè fannga kan wi yeri paa naala mbele laga tara na pe wogo ki yɛn.

⁴ A pè suu pye ma yo wiga ka kapege pye yan ki na, naa yaritipirige ka kpɛ na, nakoma tige ka kpɛ na, fɔ ndɛɛ leele mbele Yɛnnɛlɛ li tɛgɛɛ tii tɛgɛ pe walɛɛ ti na poro.

⁵ Konɔ sila kan gbato wi yeri wila leele pe kuun, ɛɛn fɔ, fannga kila kan wi yeri wila pe jɔlɔ fɔ yɛngɛ kanɔgurugo. Ki jɔlɔgɔ ki yama pi yɛn paa yɛgɛ nɔga na naa ka lere nɔ ki maa wi yaa we.

⁶ Ko piliye yo ni, leele pe yaa kaa kunwɔ pi lagajaa, pe se kaa ta. Pe yaa kaa ki jaa mbe ku, ɛɛn fɔ, kunwɔ pi yaa ka fe mbe lali pe ni.

⁷ Ki gbato wi yɛn ma shɔnye lɛ, mbele pè gbɛgɛlɛ mbe malaga gbɔn. Yaraga kà la pye wa wi yinɛ ti na paa tɛ wunluwɔ njagala yɛn. Wi yɛɛ tila pye paa leele yɛɛ yɛn.

⁸ Wi yinzire tìla pye paa jæle yinzire yen, a wi ñgangala ke yen paa jaraye ñgangala yen.

⁹ Malaga gbõndeere la pye wi kotoro ti na paa tugurõn woro yen. Wi kanwira tinme pila pye paa wotoroye legerẽ tinme yen, mbele shõnye na tilele na fee na kee malaga gbõnsaga.

¹⁰ Nara la pye wi na, naa nara yõnrõ ni paa naala pe woro ti yen. Pa yawa pi yen wa wi nara ti ni mbaa leele pe jõlõ fõ yenge kanjurugo ni.

¹¹ Wetijugo merẽge wo wi yen pe go na wunluwõ. Eburuye senre ti ni, pe maa wi yinri «Abadõn», Gireki senre ti ni naa yinri «Apoliyõn» (ko kõrõ wo yen fõ «Jõgõfõ»).

¹² Jõlõgõ kongbannga kì toro. Wele, jõlõgõ shyen wa na paan naa.

¹³ A merẽge kõgõlõni woo wì suu mbanlaga ki win. Tẽ saraga wõsaga nga ki yen le Yennẽle li yegẽ sõgõwõ, a mì si magala la logo li yiri wa ki yengẽle tijere ke na.

¹⁴ Merẽge ña mbanlaga kõgõlõni wogo kila pye wi yeri, a magala li suu pye fõ: «Merẽgeye tijere mbele pe yen põsaga wa Efirati gbaan gbenẽ wi tanla, pe sangala.»

¹⁵ A pè si merẽgeye tijere pe sangala. Pàa pye ma gbegẽle ki yele, naa ki yenge, naa ki pilige, naa ki sanga wi mẽge ni mbe leele pe konsaga taanri wogo ki gbo.

¹⁶ Sorodasheele mbele pàa lugu shõnye na, a pè si pe yõn ki naga na na. Pàa pye sorodasheele waga cẽnme shyen tegesaga waga kele 200 000 000.

¹⁷ Wa na yariyanga ki ni, shõnye poro naa pe lugufenne pe ni, mìla pe yan yegẽ nga na ki nga:

Malaga gbondeere la pye pe na ma yanlaga paa kason yen, na woo paa bura yen paa sinndelege nga pe yinri safiri ki yen, ma yanlaga paa nenje muwe yen paa sinndelege nga pe yinri kiribi ki yen. Shonye pe yinre tila pye paa jaraye yinre yen. Kason, naa wirige, naa kiribi† la pye na yinrigi wa pe yon.

¹⁸ A leele pe konsaga taanri wogo ki si ku ki jologo taanri nga ki kala na, ko ki yen kason, naa wirige, naa kiribi na wila pye na yinrigi wa shonye pe yon we.

¹⁹ Katugu yawa mba pi yen shonye pe ni, pa pi yen wa pe yonro to naa pe nara ti ni. Pe nara ti yen ma woro le, yinre yen ti na, to pe ma tege na leele pe jolo.

²⁰ Leele sanmbala mbele ki jologo taanri nga ki sila pe gbo, pe sila kapyere nda pe pye ti jen mberi yaga. Gboshugulo poro naa yarisunndo nda pe gbegele te ni, nakoma warifuwe ni, naa tuguyenre ni, naa sinndelege ni, naa tige ni, pe sila ti gbogwo pi yaga, to nda ti se ya mbaa yaan, mbaa nuru konaa mbaa tanri† we.

²¹ Pe sila pungo le pe legbogo, naa pe lekara, naa pe keenre kapyere to naa pe yuro ti ni.

10

Merege wo naa sewe pile senre

¹ A mi si merege fanngafɔ wa yege yan wi yiri wa yenjele na na tingi. Kambaaga la pye maa fo. Yaanngondi la pye maa go ki maga. Wi yege

† 9:17 9.17: *Kiribi: Sinndelege ka yi, na ki kaa sori ki nuwo pi ma pe.* † 9:20 9.20: Dani 5.23

kila pye paa yɔnlɔ ki yen, a wi jegele ke yen paa kason yinŋgele yen, ŋgele ke yen ma tiyagala le.

² Sewe pile la pye wi kee yenleɛɛ. A wi suu kalige jele li kan wa kɔɔje wi na, mee wi kameŋɛ jele li kan wa tara ti na.

³ A wi si gbele ŋgbanga paa yeɛɛ ŋga na jara maa gbele we. Naa wila kaa gbele ma, a yenŋele gbaanra kolɔshyen ti si gbanla.

⁴ Naa yenŋele gbaanra kolɔshyen tila kaa gbanla ma, a mi nee jaa mbege yɔnlɔɔ. Een fo, a mi si magala la logo ma yiri wa yenŋele na mala pye fo: «Yenŋele gbaanra kolɔshyen ti ŋga yo, ki lara maga kaga yɔnlɔɔ.»

⁵ Kona, mereɛɛ ŋa mila yan yeresaga wa kɔɔje wo naa tara ti na, *a wi suu kalige ki yirige wa naayeri,*

⁶ *mee wugu Yenŋele na yinwege wolo fo sanga pyew li na,†* lo na li naayeri wi da naa wi yaara ti ni fuun ti ni, ma tara ti da naa ti nawa yaara ti ni fuun ti ni, ma kɔɔje wi da naa wi nawa yaara ti ni fuun ti ni. A wi si wugu ma yo fo: «Wagati se sige naa!

⁷ Een fo, na mereɛɛ kolɔshyen woo wiga kaa mbanlaga ki win, kona, Yenŋele li ŋgundo kala li yaa pye mbe yɔn fili, paa yeɛɛ ŋga na laa ki yari li tunmbyeele mbele pe yen li yɔn senre yofenne pe kan we.»

⁸ Kona, magala na mila keli ma logo ma yiri wa yenŋele na, a li si para na ni naa fonŋɔ ma yo fo: «Kari ma sa sewe pile na li yen ma yenge

† 10:6 10.5-6: Dani 12.7

li shɔ merɛɛ ɲa wi yen yeresaga wa kɔɔje wo naa tara ti na wi kɛɛ.»

⁹ A m̀ si kari merɛɛ wi kɔɔɔ maa pye ma yo wi sewɛ pile li kan na yeri. A ẁ silan pye fɔ: «Li shɔ mali ka mali yɔli. Li yaa pye mbe sori wa ma lara ti ni, ɛɛn fɔ, wa ma yɔn ko ni, li yaa pye mbe tanla paa sɛnrɛɛ yen.»

¹⁰ A m̀ si sewɛ pile li shɔ merɛɛ wi kɛɛ mali ka. A l̀ si tanla wa na yɔn paa sɛnrɛɛ yen;† ɛɛn fɔ, naa mila kaa li yɔli, a l̀ si sori wa na lara.

¹¹ Kona, a pè silan pye fɔ: «Ki daga ma Yɛnɲɛɛ li sɛnrɛ yo naa dunruya woolo lɛɣɛɛ, naa cɛnɣɛɛ lɛɣɛɛ, naa sɛnrɛ pyew ti leele, naa wunlumbolo lɛɣɛɛ wogo na.»

11

Sɛrɛfɛnnɛ shyɛn sɛnrɛ

¹ A pè si gbagara kanɲgala kan na yeri, na li yen paa mɛtɛrɛ yen, ma yo fɔ: «Yiri ma Yɛnɲɛɛ li shɛrigo gbɔɔ ki taanla konaa saraga wɔsaga ki ni, ma mbele pe maa Yɛnɲɛɛ li gbogo wa pe jiri.

² ɛɛn fɔ, ma shɛrigo gbɔɔ laga nawa pi yaga maga kaa taanla, katugu pò kan tara woolo mbele pee shɛri pe yeri, pe yaa ka ca kpoyi ki tanga mbe sa gbɔn fɔ yɛnɣɛ nafa shyɛn ma yiri shyɛn.

³ Mi yaa kanla sɛrɛfɛnnɛ shyɛn pe torogo, mbege kan pe yeri pe Yɛnɲɛɛ li sɛnrɛ ti yo sa gbɔn fɔ piliye waga kele naa cɛnɣɛ shyɛn naa

† 10:10 10:10: Eze 3.3

nafa taanri 1 260, jatere piriwen yariporo ni pe na.»

⁴ Serɛfenne shyen poro pe yen paa *oliviye tire shyen naa fitanlaye shyen mbele pe yen ma yere wa tara ti Fɔ wi yege na we.*†

⁵ Na lere kaa ki jaa mbe kapege pye pe na, kason ma yiri wa pe yonro ti ni ma pe mbenfenne pe sogo ma pe gbo. Ee, na lere na kaa jaa mbe kapege pye pe na, pa ki daga ki fo poo gbo yen we.

⁶ Yawa yen pe yeri mbe naayeri wi ton, jango tisaga ka ka to pe Yennele yon senre yopiliye yi ni. Yawa si yen pe yeri mbe tonmo pi kannga kasanwa, mbaa jologo ki cenle pyew ki waa laga tara ti ni, sanga o sanga pe kaa ki jaa we.

⁷ Na paga ka ko pe serɛya yogo ki na sanga na ni, wongbo na wila yinrigi wa wetijugo kosaga fu ki ni, wi yaa malaga gbɔn pe ni mbe ya pe ni mbe pe gbo.

⁸ Pe gboolo pe yaa ka koro wa cagbogo ki katogo ki ni, wa laga nga pa pe Fɔ wi kan wa tiparaga ki na we. Senre ti koro le wo ni, pe maa ki cagbogo ki yinri Sodomu, nakoma Ezhipiti.

⁹ Leele pele yaa kaa pe gboolo pe wele mbe sa gbɔn fo piliye taanri naa walaga, mbe yiri dunruya woolo pe ni fuun ni, naa cengele ke ni fuun ni, naa senre pyew ti leele pe ni fuun ni, naa tara nungba nungba pyew ti ni. Pe se ka yere ki na pe pe le.

¹⁰ Tara woolo pe yaa kaa yogori ki leele shyen pe kunwo pi kala na. Pe yaa kaa pe ye gbogoyaara torogi pe ye kan, katugu ki Yennele

† 11:4 11.4: Zaka 4.2-3,11-14

yɔn sɛnrɛ yɔfɛnnɛ shyɛn pàa tara woolo pe jɔlɔ fɔ jɛŋgɛ.

¹¹ Ɛɛn fɔ, ko piliye taanri naa walaga yo kaa toro ma kɔ, a yinwege wɔnwɔn si yiri wa Yɛnnɛlɛ li yeri ma ye pe ni, a pɛ si yiri ma yere. Mbele pàa pe yan pàa fyɛ fɔ jɛŋgɛ.

¹² A Yɛnnɛlɛ yɔn sɛnrɛ yɔfɛnnɛ shyɛn pɛ si magala gbɔlɔ la logo ma yiri wa yɛnnɛlɛ na ma pe pye fɔ: «Ye lugu laga.» A pɛ si lugu ma kari wa yɛnnɛlɛ na kambaaga ka ni pe mbenfenne pe yɛgɛ na.

¹³ Le ki wagati nunɗba wi ni, a tara tì si yɛgɛ nɗbanga. A ca ki kɔnsaga kɛ wogo kì toori. A lere waga kɔlɔshyɛn (7 000) wo ku tara nda tila yɛgɛ ti kala na. A leele sanmbala pe sunndoro tì si kɔn pe na, a pɛ Yɛnnɛlɛ na wa naayeri li gbɔgɔ.

¹⁴ Jɔlɔgɔ shyɛn wogo kì toro. Wele, sanni jɛnri jɔlɔgɔ tanri wogo ki yaa pan.

*Mbanlaga kɔlɔshyɛn wogo
ki winkala*

¹⁵ Kona, a mɛrɛgɛ kɔlɔshyɛn woo wì suu mbanlaga ki win. A maganɗala tugbɔŋgɔlɔ kèlɛ si yiri wa yɛnnɛlɛ na ma yo fɔ: «Yiŋgɔ dunruya wunluwɔ pi yɛn we Fɔ Yɛnnɛlɛ lo naa li Kirisi wi ni pe woo. Wi yaa cɛn wunluwɔ pi na fɔ sanga pyew!»

¹⁶ Lelelele nafa ma yiri tijɛrɛ mbele pàa pye ma cɛn pe wunluwɔ jɔnrɔ ti na wa Yɛnnɛlɛ li yɛgɛ sɔgɔwɔ, pɛ si toori ma pe yɛrɛ ti jiile tara ti na ma Yɛnnɛlɛ li gbɔgɔ

¹⁷ na yuun fɔ:

«We Fɔ Yɛnɲɛɛ, yawa pi ni fuun fɔ, mboro ɲa
ma yɛn wa konaa maa pye wa,
we yɛn nɔɔ shari,
katugu m̀ɔ yawa gbɔɔ pi lɛ ma cɛn ma wunluwɔ
pi na.

¹⁸ Tara nunɲba nunɲba pyew ti woolo paa nawa
ɲɲban,

ɛɛn fɔ, ma nanɲbanwa wagati wì gbɔn.

Kiti wi yaa kɔn kuulo pe na wagati ɲa ni wì gbɔn.

Wagati wì gbɔn ɲa ni ma yaa tonli kan ma
tunmbyeele Yɛnɲɛɛ yɔn sɛnrɛ yofɛnnɛ pe
yeri,

naa mbele fuun pe yɛn ma woolo na fyɛ ma yɛɛɛ
pe yeri, piile o, leleɛɛ o.

Wagati wì gbɔn mbele pe yɛn na tara ti jogo ma
yaa pe jɔɔ!»

¹⁹ Kona, Yɛnɲɛɛ li sherigo gbɔɔɔ ɲa ki yɛn wa
yɛnɲɛɛ na, a ki yɔn kì si yɛngɛ. A pè si Yɛnɲɛɛ
li yɔn finliwɛ kɛsu wi yan wa li sherigo gbɔɔɔ
ki nawa. A Yɛnɲɛɛ li nɛɛ yɛngɛɛ, a maganɲala
naa yɛnɲɛɛ gbaanra na yinrigi, a tara tì yɛɛɛ, a
sinndɛɛɛ tisaga na tuun tugbɔɔɔ.

KACEN KAGALA KOLSHYEN

12

12.1-15.4

Jɛɛ wo naa yarifɛɛɛ sɛnrɛ

¹ A mì si kacɛn gbɔɔɔ la yan wa yɛnɲɛɛ na:
Jɛɛ lawi, yɔnɔ kila pye maa fo. Yɛngɛ kila pye
wa wi tɔɔɔ ti nɔɔɔ. Wɔnɲɔɔɔ kɛ ma yiri shyɛn
wunluwɔ njala la pye wa wi go na.

² Wìla pye kugbo ni na jaa mbe se, nɛɛ gbele selara yama naa ti jologo ki kala na.

³ Ko pungo na, a kacɛn wà suu yɛɛ naga naa wa yɛnɛɛ na: Yarifelegɛ gbegebenge yɛngɛ ka layi. Yinre koloshyen naa yɛnɛngɛɛ kɛ kàa pye ki na. Wunluwo njagala la pye ki yinre ti nungba nungba pyew ti na.

⁴ A ki naga kì naayeri wɔnɛngɔɔ ke kɔnsaga taanri wogo ki wɔnɛngɔɔ ke kɔn ma ke wo laga tara ti na. A kì si yere le jɛɛ ɲa wìla pye na jaa mbe se wi yɛgɛ sɔgɔwɔ, na wiga se kuu pyɔ wi ka.

⁵ A jɛɛ wì si pinambyɔ se, *wo wi yaa kaa tara nungba nungba pyew ti woolo pe ni fuun pe yɛgɛ sinni tugurɔn kanɲgala ni.*† A pè si pyɔ wi ɛ ma kari wi ni wa Yɛnɛɛ lo naa li wunluwo jongo ki tanla.

⁶ A jɛɛ wì si fe ma kari wa gbinri, wa laga ɲga Yɛnɛɛ làa gbegele wi kan we, jango paa wi baro wa fɔ sa gbɔn piliye waga kele naa cɛnɛ shyen naa nafa taanri 1 260.

⁷ A malaga si to wa yɛnɛɛ na. Mishɛli naa wi mɛrɛgɛye pe ni pàa pye na malaga gbɔɔn yarifelegɛ ki ni. A yarifelegɛ fun ko naa ki mɛrɛgɛye pe ni paa malaga gbɔɔn pe ni.

⁸ Ɛɛn fɔ, yarifelegɛ ko naa ki mɛrɛgɛye pe ni, pe sila ya Mishɛliye pe ni, pe sila si laga ta wa yɛnɛɛ na mbe koro wa.

⁹ A pè sigi yarifelegɛ gbegebenge ki wa wa funwa na. Ko ki yɛn wɔɔgɔ ɛgɛ† ye, ɲga pe maa yinri Mɛgɛ jɔgɔfɔ naa Sɔtanla, ko ki yɛn na

† 12:5 12.5: Yuuro 2.9 † 12:9 12.9: Zhɛɛ 3.1

dunruya woolo pe ni fuun pe fanla na pe punṅgu we. A pè sigi wa laga tara ti na, ma ki mēregeye pe pinle ma pe wa ki ni.

¹⁰ Kona, a m̀ si magala gbolo la logo ma yiri wa yenṅele na, làa pye na yuun fò: «Yenṅele li showo pì gbòn yingò! Yenṅele lili wunluwo naa li yawa pì pye maa naga yingò! Li Kirisi wùu fanṅga ki pye maga naga yingò; katugu ṅa wi maa we sefenne pe jeni, wo ṅa wila pye na pe jeni wa Yenṅele li yege na sonlo naa yembinε, pòo wa laga tara ti na.

¹¹ We sefenne pè ya wi ni Simbapyo wi kasanwa pi fanṅga na, naa kaselege ṅga pè yari ki fanṅga na. A pè yenle ki na ma pe yeε go ki kan mbe ku.

¹² Ki kala na, naayeri wo naa yoro mbele ye yen wa, yaa yogori! Eεn fò, jologo yen tara to naa kogòje wi ni pe wogo, katugu Sotanla wì tigi ma pan ye korogo. Wi nawa pì ṅgban wi na fò jenṅε, katugu wìgi jen ma yo wagati jenri wì koro wi kan.»

¹³ Naa yarifelege kila kaa ki yan pège wa laga tara ti na, a k̀ si taga jele ṅa wila pinambyo wi se wi punṅo na.

¹⁴ Eεn fò, a jele wì si yon gbegbenε kanwira shyen ta mbe ta mbe yiri sire na mbe kari wa gbinri wi ni, wa wi laga ki na, wa laga ṅga wi yaa baro sa gbòn yegele taanri naa yenṅe kogoloni†, mbe pye mbe lali woogo ki ni we.

¹⁵ Kona, a woogo k̀ si tonmo yirige wa ki yon maa wo jele wi punṅo na paa gbaan yen, janṅo ki tonmo mba pì yen na fuun pì saa li.

† 12:14 12.14: Dani 7.25; 12.7

¹⁶ Ɛɛn fɔ, a tara tì si saga jɛlɛ wi na mari yon ki yenge, tɔnmɔ mba wɔɔgɔ kɪla yirige wa ki yon ma wɔ, maa wɔ.

¹⁷ A yarifɛlɛgɛ kɪ si nawa ɲgban jɛlɛ wi ni fɔ jɛɲgɛ, a kɪ si kari ma saa na malaga gbɔɔn jɛlɛ wi setirige piile pe ni, poro mbele fuun pe yɛn na tanri Yɛɲɲɛlɛ li ɲgasegele ke na, ma Zhezu wi sɛrɛya wi yigi we.

¹⁸ A yarifɛlɛgɛ kɪ si yere wa kɔgɔje yon taambugɔ ki na.

13

Wonɲgɔ ɲa wì yiri wa kɔgɔje wi ni

¹ Ko puɲgɔ na, a mì si wonɲgɔ wa yan wila yinrigi wa kɔgɔje wi ni. Yɛɲɲɛlɛ kɛ† naa yinɛ kɔlɔshyɛn tila pye wi na. Wunluwɔ njagala kɛ la pye ki yɛɲɲɛlɛ ke na. Yɛɲɲɛlɛ li mɛjɔɔgɔ mɛgɛ la pye ma yɔnlɔgɔ wa wi yinɛ ti na.

² Wonɲgɔ ɲa mɪla yan wila pye ma kamɔlɔ lɛ. Wi pɔrɔ tila pye paa cɛngɛ urusi ki woro ti yɛn. Wi yon kɪla pye paa jara yon yɛn. A Yarifɛlɛgɛ kɪ sigi yawa pi kan wi yeri, naa ki wunluwɔ jɔngɔ ki ni, naa fannɲa gbɔgɔ ni.

³ A mì si wonɲgɔ wi go nuɲgba yan ma mbe yo fɔ pɛgɛ gbɔn maga wɛlɛgɛ, fɔ a kɪla jaa mbe ku. Ki wɛlɛgɛsaga ɲa ki mbaa wi gbo, kɪ si sagala. A tara woolo pe ni fuun pe nɛɛ kawa ki wogo ki na, mɛɛ taga wonɲgɔ wi puɲgɔ na.

⁴ A pè si yarifɛlɛgɛ kɪ gbɔgɔ, katugu kɪla fannɲa kan wonɲgɔ wi yeri. A pè si wonɲgɔ wi gbɔgɔ

† 13:1 13.1: Dani 7.3-7

ma yo fɔ: «Ambo wi yen paa wonḡbo wi yen? Ambo wi mbe ya malaga ḡbon wi ni?»

⁵ Fanḡa la kan wonḡbo wi yeri wila wi yeε ḡboḡwo senre konaa mbaa Yenḡeε li meḡoḡo senre yuun. A yawa kan wi yeri wila kagala piin sa ḡbon fɔ yenḡe nafa shyen ma yiri shyen.

⁶ A wi neε senpere yuun na waa Yenḡeε li na, na li meḡe konaa li censaga ki meḡe ki jogo, na mbele fuun pe yen wa yenḡeε na pe meḡe ki jogo.

⁷ *Yarifeleḡe kila konɔ kan wi yeri wi malaga ḡbon Yenḡeε li leele kpoyi pe ni wi ya pe ni.* A wi fanḡa ta cengeε ke ni fuun ke na, naa dunruya woolo pe ni fuun, naa senre pyew ti leele pe ni fuun, naa tara nunḡba nunḡba pyew ti na.

⁸ Tara woolo pe ni fuun pe yaa kaa ḡboḡo, poro mbele pe mere ti woro ma yonḡo wa Simbapyɔ ḡa paa ḡbo wi yinwege sewe wi ni, maga le wa dunruya wi dasanga wi ni we.

⁹ «Nunḡbogolo ka pye ḡa na, wi ke jan wila nuru!

¹⁰ ḡa kaa leele nii kaso, pe yaa kaa le kaso. ḡa kaa leele kuun tokobi ni, wi daga poo ḡbo tokobi ni†. Ko kala kɔ ti Yenḡeε li leele kpoyi pe daga mbele kun pe yeε ni mbe tagawa pi yigi jenḡe.»

Wonḡbo ḡa wɔ yiri wa tara ti ni

¹¹ Ko punḡo na, a mɔ si wonḡbo wa yeḡe yan naa wila yinrigi wa tara. Yenḡeε shyen la pye

† **13:10 13:10:** Ki verise ḡa wi mbe ya kanḡa naa fɔ: Kɔ kon ma teḡe ḡa kan wi ye kaso, wo yaa ka ye kaso. ḡa kɔ kon ma teḡe wi kan poo ḡbo tokobi ni, pe yaa ka wo ḡbo tokobi ni.

wi na paa simbapɔ wogolo yen. Wila pye na yogo paa yarifelege ki yen.

¹² Wila pye na tunngo piin wongbo kongbanna wi fannga ki ni fuun ki ni le wi yege na. A wi nee tara to naa tara woolo pe ngbanga paa wongbo kongbanna wi gbogo, wo na wi welegesaga ki mbaa wi gbo, a wi sagala we.

¹³ Ki wongbo shyen woo wila pye na kafonngolo gbogolo piin, na kason piin kila yinrigi wa naayeri na tinri laga tara leele pe ni fuun pe yege na.

¹⁴ Fannga kila kan wi yeri wila kafonngolo ngele piin wongbo kongbanna wi yege na, wila pye na tara woolo pe fanla na pe punngu ke ni. Wila pe pye ma yo wongbo na paa welege tokobi wi ni, wi si yen yinwege na, poo yanlee gbegele paa wi gbogo.

¹⁵ A wongbo shyen woo wi si fannga ta mbe yinwege le wongbo kongbanna wi yanlee wi ni, jango wongbo wi yanlee wila para, wi mbele fuun pe soo gboɔ pe gbo.

¹⁶ A wongbo wi nee leele pe ni fuun pe ngbanga, piile naa lelele, penjagboro fenne naa fyonwo fenne, leseele naa kulolo, pe ta pe gborno taga pe kalire, nakoma pe walere ti na.

¹⁷ Lere kpe saa ya mbe lo, nakoma mbe pere, na ki gborno ti woro wi na, ko koro wo yen wongbo wi mege ye, nakoma wi mege ki numiyoro we.

¹⁸ Ki laga nga yeen, ki daga tijinliwe ni. Lere na wi yen tijinliwe ni, wi wongbo wi numiyoro wi jiri, katugu ki numiyoro wi yen lere numiyoro.

Ki numiyoro wi yen cɛnɛ kɔgɔlɔni naa nafa taanri ma yiri kɔgɔlɔni 666.

14

*Mbele pè go ki shɔ
pe yurufɔnɔgɔ ye*

¹ Ko punɔgo na, a m̀ si wele, mɛɛ Simbapɔ wi yan yeresaga wa Siyɔn yanwiga ki na. Lere waga cɛnɛ naa waga nafa shyen ma yiri tijerɛ 144 000 pàa pye wa wi ni, wi mɛgɛ ko naa wi To mɛgɛ ki ni tila pye ma yɔnlɔgɔ wa pe walɛrɛ ti na.

² A m̀ si magala la logo ma yiri wa yenɔɛle na paa tɔnɔgbɔɔ togo tinɛ yeɛn, paa Yenɔɛle gbanlaga nɔgbanga yeɛn. Magala na m̀la logo làa pye paa juru gbɔnfennɛ juru magala yeɛn.

³ Ki lelegɛrɛ tila pye na yurufɔnɔgɔ shoo wa wunluwɔ jɔngɔ ko naa yaara yenwɛrɛ tijerɛ, naa leleɛle pe yege na. Lere kpɛ saa ya mbege yurugo ki fɔrɔgɔ, ndɛɛ lere waga cɛnɛ naa waga nafa shyen ma yiri tijerɛ 144 000 mbele pàa pe go shɔ laga tara ti ni poro cɛ.

⁴ Poro wɛle pee fyɔnrɔ kala pye jɛɛle ni, pè pe yeɛ yaga kpoyi. Pe ma taga Simbapɔ wi na laga o laga wi kaa kee. Pàa pe go shɔ leele pe sɔgɔwɔ, a pè pye paa kerɛ yarilire kɔnɔgbannɔ yeɛn Yenɔɛle lo naa Simbapɔ wi kan.

⁵ Pee yagbolo finle wa pe yɔn fyew. Pe yen jɛrɛgisaga fu.

Mɛrɛgɛye taanri kala

⁶ Kona, a m̀ si mɛrɛge wa yan wila toro sire na lege wa naayeri. Sentanra nda ti se kɔ tà la pye

wi yeri mberi yari tara woolo pe kan, naa tara nunḡba nunḡba pyew ti kan, naa cengele ke ni fuun ke kan, naa senre pyew ti leele pe ni fuun pe kan, naa dunruya woolo pe ni fuun pe kan.

⁷ Wila pye naga yuun ḡbanga ma yo fɔ: «Yaa fyε Yennεle li yeḡε, yaa li gbogo, katugu li yaa kiti kɔn leele pe na sanga ḡa ni, wì gbɔn. ḡa wì naayeri wo naa tara, naa kɔḡje, naa puluyo yi gbegele yaa wi gbogo!»

⁸ A merεge shyen woo si taga koḡbanḡa wi na, na yuun fɔ: «Kì to, kì to, *Babiloni cagbɔḡ* ye.† Ko kì tara nunḡba nunḡba pyew ti woolo pe kan, a pεge kalikalawa pee duven wa wɔ†!»

⁹ A merεge taanri woo si taga koḡbanmbala shyen pe na, naga yuun ḡbanga fɔ: «Lere ḡa ka wonḡbɔ wo naa wi yanleε wi gbɔḡ, mbege yaga pe gbɔnrɔ taga wi walεge, nakoma wi keε ki na,

¹⁰ wo fun wi yaa ka Yennεle li nanḡbanwa duven wi wɔ, wo ḡa wi woro ma pinle, a lùu le wa li nanḡbanwa wɔjenne li ni we. Mbele fuun paa ko piin ma, pe yaa kaa jɔlɔ wa kason naa kiribi wi ni wa merεgeye kpoyi poro naa Simbapyɔ wi yeḡε sɔḡwɔ.

¹¹ Kason ḡa ki yen na pe jɔlɔ, ki wirige ki yen na yinrigi fɔ sanga pyew. Mbele fuun pè wonḡbɔ wo naa wi yanleε wi ni pe gbɔḡ, naa ḡa fuun pè wonḡbɔ wi mεge gbɔnrɔ ti taga wi na, wogowo se ka pye pe na sɔnlɔ naa yembinε.»

¹² Ko kala kì ti Yennεle li leele kpoyi pe daga mbege kun pe yeε ni, poro mbele pe yen ma li

† 14:8 14.8: Zhere 51.7 † 14:8 14.8: Eza 21.9

ngasegele ke yigi na tanri ke na, ma taga Zhezu wi na we.

¹³ Kona, a mì si magala la logo lî yiri wa yennεε na mala pye fɔ: «Ki wogo nga ki yonlogɔ ma yo fɔ: <Leele mbele pe yen na kuun yingɔ wa tagawa pi ni we Fɔ wi ni, fεrεwe yen pe wool!>» A Yinnekpoyi lî sho fɔ: «Ee, kaselege yi. Pe mbe ka ya wogo pe tunngbanra nda pè pye ti ni, katugu pe kapyere tɔnli wî taga pe punjɔ na.»

Tara ti yarilire kɔngɔ sɛnrɛ

¹⁴ A mì si wele naa, mεε kambaaga fige ka yan. *Wà la pye ma cɛn wa ki na, wila pye ma sɛnwεe pyɔ lɛ.*† Tε wunluwɔ njala la pye wa wi go ki na. Mali kɔngbεnε yɔn tanla wolo la pye wi kεε.

¹⁵ A mεrεge wà yεge si yiri wa sherigo gbɔgɔ ki ni, ma gbele ngbanga maga yo na wila pye ma cɛn wa kambaaga ki na wi kan fɔ: «Ma mali kɔngbεnε li tεge ma tara yarilire ti kɔn, katugu ti kɔnsanga wî gbɔn, tara yarilire tî lε makɔ†!»

¹⁶ Kona, na wila pye ma cɛn wa kambaaga ki na, a wî suu mali kɔngbεnε li fige laga tara ti na, a tara yarilire tî si kɔn.

¹⁷ A mεrεge wà yεge si yiri wa sherigo gbɔgɔ nga ki wa yennεε na ki ni, mali kɔngbεnε yɔn tanla la pye wo fun wi yeri.

¹⁸ A mεrεge wà si yiri naa wa saraga wɔsaga ki ni, fannga la pye wi yeri kasɔn ki na. A wî si gbele ngbanga ma na mali kɔngbεnε yɔn tanla làa pye wi yeri wi pye fɔ: «Ma mali kɔngbεnε yɔn tanla li tεge ma tara na εrɛzen tiire shashara ti kɔɔnlɔ, katugu ti pire tî lε makɔ.»

† 14:14 14.14: Dani 7.13 † 14:15 14.15: Zhouε 4.13

¹⁹ A mērege wì suu mali kōngbene li fige laga tara ti na, ma ɛezen tiire shashara ti kōnlɔ, mēɛ ti wa wa ti pire tōnmɔ wɔsagbɔgɔ ki ni, ko ki yen Yēnɲɛle li nanɣbanwa we.

²⁰ A pè si ɛezen pire ti tangala wa ti tōnmɔ wɔsaga ki na wa ca ki punɣo na. A kasanwa si yiri wa ɛezen pire tōnmɔ wɔsaga ki ni, ma jaraga na fuun ma saa gbɔn paa culo cɛnmɛ taanri (300) yen. Pi tijuguwo pɪla pye paa mɛtere nunɣba naa kōngɔ yen.

15

Jɔlɔgɔ kagala kɔlɔshyen ke kacɛn

¹ Kona, a m̀ si kacɛn wa yege yan wa yēnɲɛle na, wɪla pye ma gbɔgɔ ma lere pari. Mēregeye kɔlɔshyen la wele, jɔlɔgɔ kagbɔgɔlɔ kɔlɔshyen la pye pe yeri. Koro ke yen jɔlɔgɔ kagala punɣo wogolo wele, katugu koro Yēnɲɛle li yaa li nanɣbanwa pi kɔ ke ni.

² Ko punɣo na, a m̀ si yaraga ka yan paa kɔgɔje tōnmɔ yen, mba pi yen ma veri le, kasɔn yen ma pinle pi ni. Mbele paa cew ta wonɣbɔ wi na, naa wi yanleɛ wi mēge ki numiyoro wi na, a m̀ si pe yan fun yeresaga wa kɔgɔje tōnmɔ mba pi yen ma veri le pi na. Yēnɲɛle li juruye paa pye pe keɛ.

³ Paa pye na Yēnɲɛle li tunmbyee Moyisi wo naa Simbapyɔ wi ni pe yurugo ki koo na yuun fɔ:

«We Fɔ Yēnɲɛle, yawa pi ni fuun Fɔ,
ma kapyegele kè tugbɔlɔ ma pye kafɔnɲɔgɔlɔ!
Mboro ŋa tara woolo pe Wunluwɔ,
ma kɔnɲɔlɔ kè sin ma pye kaselege wogolo!

⁴ We Fɔ, ambo wi se fyε ma yege? Ambo wi soon gbɔgɔ?

Katugu mboro nunɔba ma yen kpoyi.

Tara nunɔba nunɔba pyew ti woolo pe yaa ka pan mbe kannguuro kan ma jegele mboon gbɔgɔ,

katugu mɔɔ kasinɔgele ke naga ma ke filige.»

YENŊELE LI NANɔBANWA WɔJENGELE KɔLɔSHYEN

15.5-16.21

*Mεregeye kɔlɔshyen
naa jɔlɔgɔ kagala kɔlɔshyen senre*

⁵ Ko punɔgo na, a mɔ si sherigo gbɔgɔ ki yan kɔ yenge wa yenɔele na, Yenɔele li yon finliwεparaga go ye.

⁶ Jɔlɔgɔ kagbɔgɔlɔ kɔlɔshyen ke yen mεregeye kɔlɔshyen mbele keε, a pε si yiri wa sherigo gbɔgɔ ki ni. Len jese paritiyonrɔ tila pye pe na, ma filige na yengele. Paa pe yeε pɔ tε kurusijaraye ni wa pe koto ro ti na.

⁷ A yaara yenwere tijere ki nunɔba si tε wɔjenɔgele kɔlɔshyen kan mεregeye kɔlɔshyen pe yeri, ke yen ma yin Yenɔele na li yen yinwege na fɔ sanga pyew li nanɔbanwa pi ni.

⁸ A sherigo gbɔgɔ kɔ si yin wirige ni, Yenɔele li gbɔgɔwɔ naa li yawa pi kala na. Lere kpe saa ya ye wa sherigo gbɔgɔ ki ni fɔ jɔlɔgɔ kagbɔgɔlɔ kɔlɔshyen ke yen mεregeye kɔlɔshyen mbele keε ke sa pye ke yon fili.

16

Yen̄ɲele li nan̄ɲbanwa wɔ̄ɲɲɛle

senre

¹ Kona, a m̀ si magala n̄ɲbanla la logo ma yiri wa sh̄erigo gb̄oḡo ki ni naga yuun mer̄eḡeye kolosh̄yen pe kan f̄o: «Yen̄ɲele li nan̄ɲbanwa pi yen wɔ̄ɲɲɛle n̄gele ni, yaa kee ye sa ke nawa yaara ti wo wa tara ti na!»

² A mer̄ege kon̄ɲban̄ɲa ẁ si kari ma saa wi wɔ̄ɲenne li nawa yaara ti wo wa tara ti na. Kona, won̄gb̄o wi gb̄on̄ro t̄ila pye leele mbele na, a paa wi yan̄l̄e ẁ gb̄ogo, a sagban̄pere si to poro na na pe yaa f̄o j̄ɲɛ.

³ A mer̄ege shyen woo ẁ suu wɔ̄ɲenne li nawa yaara ti wo wa k̄oḡje wi ni. A t̄on̄m̄o p̀ si kan̄ɲga ma pye paa gb̄oo kasanwa yen. Yaara yenw̄ere nda fuun t̄ila pye wa k̄oḡje wi ni, a t̀ si ku.

⁴ A mer̄ege taanri woo ẁ suu wɔ̄ɲenne li nawa yaara ti wo wa gbaanla poro naa puluyo ỳ ni, a ti t̄on̄m̄o p̀ si kan̄ɲga kasanwa.

⁵ Kona, mer̄ege n̄a wi yen t̄on̄m̄o pi go na, a m̀ si logo wi yeri f̄o: «Ma yen ma sin ma ki kiti wi k̄on̄ ȳen, m̄boro n̄a ma yen kpoyi, m̄boro n̄a ma yen wa konaa m̄aa pye wa.

⁶ Katugu p̀ Yen̄ɲele li leele kpoyi poro naa Yen̄ɲele ȳon̄ senre yofenne pe gbo ma pe kasanwa pi wo, yin̄ḡo m̄a kasanwa kan pe yeri pe w̄o, ko k̀ daga pe ni.»

⁷ Kona, a m̀ si magala la logo ma yiri wa saraga w̄saga ki ni na yuun f̄o: «Ee, we F̄o Yen̄ɲele, yawa pi ni fuun F̄o, ma kiti k̄on̄ kagala ke yen kaselege ma sin!»

⁸ A mērege tijere woo wì suu wɔjenne li nawa yaara ti wo wa yɔnlɔ ki na, a kì si fannga ta mbaa leele pe sorogi ki kasɔn ki ni.

⁹ A kafugo ndorogo kila leele pe sori. A pè si Yennɛle li mēge ki jɔgɔ, lo na ki jɔlɔgɔ kagbɔgɔlɔ kaa yinrigi wa li yawa pi ni we, ɛɛn fɔ, pee yenle mbe pe kapere ti jɛn mberi yaga, mbe Yennɛle li gbɔgɔ.

¹⁰ A mērege kanɔurugo woo wì suu wɔjenne li nawa yaara ti wo wa wɔngbɔ wi wunluwɔ jɔngɔ ki na. A wɔngbɔ wi wunluwɔ pì si ye wa wɔwɔ pi ni. A leele pe nɛɛ pe ngayinngɛle ke nɔɔri yama pi kala na.

¹¹ A pè si Yennɛle na wa naayeri li mēge ki jɔgɔ pe yama naa pe sagbanra ti kala na, ɛɛn fɔ, pe sila pe kapyere ti jɛn mberi yaga.

¹² A mērege kɔgɔlɔni woo wì suu wɔjenne li nawa yaara ti wo wa Efirati gbaan gbenɛ wi na. A gbaan tɔnmɔ pì si waga, jango mbe torosaga kan wunlumbolo mbele paa paan ma yiri wa yɔnlɔ yirisaga pe yeri.

¹³ A m̀ si yinne tipegele taanri yan, kàa pye paa ngbeye yen. Nunɔgba la yiri wa yarifeleɛge ki yɔn, a nunɔgba yiri wa wɔngbɔ wi yɔn, a nunɔgba yiri wa Yennɛle yɔn sɛnre yofɔ yagboyoo wi yɔn.

¹⁴ Gboshugulo yinngɛle wele, ke yen na kafɔnngɔlɔ piin. Ke yen na kee dunruya wunlumbolo pe ni fuun pe kɔrɔgɔ, jango mbe pe gbogolo Yennɛle na yawa pi ni fuun Fɔ, li piligbɔgɔ malaga gbɔngɔ ki kala na.

¹⁵ «Ye wele, mi yen na paan paa yoo yen! Lere

ɲa ka koro yenɲe† mbaa wi yariporo ti wele, jango wiga kaa yanri witiwaga ni paa wi fere ti yaan, ferewe yen wi woo.»

¹⁶ A yinɲele kè si wunlumbolo pe gbogolo wa laga ɲga pe yinri Arimagedon† Eburuye senre ti ni.

¹⁷ A merege koloshyen woo wì suu wɔjenne li nawa yaara ti wo wa tifelege ki ni. A magala gbolo là si yiri wa wunluwo jongo ki ni, wa sherigo gbogo ki ni, na yuun fo: «Kì pye makò!»

¹⁸ A Yenɲele li si yengele, a magangala yiri, a yenɲele gbaanra pye, a tara tì yege ɲgbanga. Tara tìla yege ɲgbanga yege ɲga na, ki si fa pye maga le leele pe yen laga tara ti ni.

¹⁹ A cagbogo kì kɔn ma yiri kɔnsaga taanri. A tara nuɲgba nuɲgba pyew ti cara tì toori. A Yenɲele li nawa to Babiloni cagbogo ki na, mali nuɲbanwa gbɔ duven wi kan ki yeri wa li wɔjenne li ni kuu wo.

²⁰ A logo furo ti ni fuun tì liwi, yanwira si yan naa.

²¹ A sinndɛere tisaga si pan, a sinndɛere tì toori tugbɔoro leele pe na, ti ni fuun nuɲgba nuɲgba ti mbaa culo nafa shyenzhyen yon ko tin. A leele pè si Yenɲele li mege ki jogo ki sinndɛere tisaga jologo ki kala na, katugu ki jologo kila gbogo fo matoro.

BABILONI CA KI TONGOWO KONAA ZHERUZALEMU CA FONNGO

† 16:15 16:15: Ko koro wo yen mbe cen ki cenwe. † 16:16 16:16: *Arimagedon*: Ko koro wo yen yanwiga ɲga pe yinri Megido, Kiti 5.19; 2 Wunlu 23.29-30.

17

17.1-22.5

Nanjaa gbɔɔ sɛnrɛ

¹ Mɛrɛgɛyɛ kɔlɔshyɛn mbele wɔjɛŋgɛlɛ kàa pye pe kɛɛ, a nunɔgba si pan mala pye fɔ: «Ta paan, mi yaa nanjaa gbɔɔ wi kiti kala li naga ma na, wo ŋa wi yɛn paa cagbɔɔɔ ŋga ki yɛn ma kan wa tɔnɔgbɔɔ pi go na we.

² Tara na wunlumbolo pè kɛɛnrɛ pye wi ni, a wi kɛɛnrɛ duven wì tara woolo pe yigi†.»

³ A mɛrɛgɛ wì silan lɛ Yinne ni ma kari wa gbinri wi ni. A mì si jɛlɛ wa yan wi yɛn ma cɛn wonɔgbɔ yɛɛn wa na, Yɛnɛlɛ li mɛjɔɔɔɔ mɛrɛ la pye ma yɔnɔɔɔ ki wonɔgbɔ wi lagapyew ki na. Yinre kɔlɔshyɛn naa yɛnɔɔɔlɛ kɛ kàa pye wi na.

⁴ Yaripɔɔɔ sɔnɔgbanga woro naa pariyeŋrɛ tiyɔnrɔ tila pye jɛlɛ wi na. Wila wi yɛɛ fere tɛ, naa sinndɛɛrɛ sɔnɔgbanga woro konaa somu tiyɔɔn ni. Tɛ wɔjɛnnɛ la pye wi kɛɛ ma yin katijangara konaa wi kɛɛnrɛ fyɔnrɔ ti ni.

⁵ Mɛgɛ kà la pye ma yɔnɔɔɔ wa wi walegɛ ki na, ki kɔɔɔ wila pye ma lara ma yo fɔ: «Cagbɔɔɔ Babilɔni, ŋga ki yɛn dunruya nanjaala poro naa wi katijangara ti nɔ we.»

⁶ A mì sigi jɛlɛ wi yan wì Yɛnɛlɛ li leelee kpoyi poro naa Zhezu wi sɛrɛfennɛ mbele pàa gbo pe kasanwa pi wɔ, a pùu yigi paa sinmɛ yɛn.

Naa mì kaa wi yan, a kì silan pari fɔ jɛŋgɛ.

⁷ A mɛrɛgɛ wì silan pye fɔ: «Yinɔi na, a kì soon pari? Jɛlɛ wi kala na li yɛn ma lara, mi yaa li naga ma na konaa wi yɛn ma cɛn wonɔgbɔ ŋa na

† 17:2 17.2: Eza 23.17; Zhere 51.7

wi wolo li ni, na yinre koloshyen naa yenngɛle ke ke yen wi na we.

⁸ Wongbo na mà yan, wila pye faa yinwege na, ɛɛn fɔ, wi woro yinwege na naa. Wi daga mbe yiri wa wetijugo ki ni mbe kari wa wi gbosaga. Tara woolo mbele pe mere ti woro ma yɔnlogɔ wa yinwege sɛwe wi ni, maga le wa dunruya wi lesaga ki na, ki yaa ka pe pari, na paga wongbo wi yan we; katugu wila pye yinwege na faa, ɛɛn fɔ, wi woro yinwege na naa, pe yaa si kaa yan naa.

⁹ «Ki laga nga ki daga tijinliwe ni mbe sigi koro wi jen. Yinre koloshyen ti yen yanwira koloshyen nda jele wi yen ma cen ti na. Wunlumbolo koloshyen wele fun.

¹⁰ Kanjurugo wunluwo to pe ni mako, kogoloni woo wi yen naa wunluwo pi piin, koloshyen woo wi fa pan gben. Na wiga ka pan, wagati jenri wi yaa pye ce.

¹¹ Wongbo na wila pye yinwege na faa, ɛɛn fɔ, wi woro yinwege na naa, wo jate wi yen wunluwo kolotaanri woo. Wi yen wunlumbolo koloshyen pe ni, wila kee wa wi gbosaga.

¹² «Yenngɛle ke ngele mà yan, wunlumbolo ke† wele, pe fa cen wunluwo pi na gben. ɛɛn fɔ, pe yaa ka wunluwo fannga ki ta mbe cen wunluwo pi na, mbe leri nungba pye wongbo wi ni.

¹³ Ki wunlumbolo ke wele, pe nawa jatere wi yen nungba, mbe pe yawa naa pe fannga ki kan wongbo wi yeri.

† 17:12 17.12: Dani 7.24

¹⁴ Pe yaa ka malaga gbɔn Simbapɔ wi ni, ɛɛn fɔ, Simbapɔ wi yaa ka ya pe ni, katugu wi yen tafenne pe Fɔ naa wunlumbolo pe Wunluwɔ. Simbapɔ wi woolo wele, poro mbele Yenɲele li yeri ma pe wɔ, a pè taga wi na, wo naa poro ni pe yaa ka ya pe ni fun.»

¹⁵ A mɛrɛɛ wì silan pye naa fɔ: «Tɔnmɔ mba mà yan nanjaa wi yen ma cɛn pi na, po pi yen dunruya woolo, naa janwa legerɛ, naa tara nunɲba nunɲba pyew ti woolo, naa sɛnrɛ pyew ti leelee wele.

¹⁶ Yenɲele ke ngele mà yan koro naa wonɲbo wi ni, pe yaa ka nanjaa wi panra mboo yaara ti ni fuun ti shɔ wi yeri, mboo yaga waga. Pe yaa kaa wire kara ti ka mboo sogo kasɔn ni wi kɔ pew.

¹⁷ Katugu Yenɲele ligi le wa pe nawa peli nandanwa kala li pye, pe pe yɔn ki wa nunɲba, pe pe wunluwɔ fanɲga ki kan wonɲbo wi yeri fɔ Yenɲele li sɛnyoro ti sa pye ti yɔn fili.

¹⁸ «Jele ɲa mà yan, wo wi yen cagbɔɔ ye, ɲga ki yen ma cɛn wunluwɔ pi na wunlumbolo mbele laga tara na pe go na.»

18

Babiloni ca ki togo sɛnrɛ

¹ Ko kagala koro punɲo na, a m̀ si mɛrɛɛ wa yan naa wì yiri wa yenɲele na na tinri. Fanɲga gbɔɔ la pye wi ni, a wì gbɔɔwɔ pì si yin ma tara ti ni fuun ti laga.

² A wì si gbele nɲbanga ma yo fɔ:

«Kì to, Babiloni cagbɔɔ kì to†!
 Kì kannga ma pye gboshugulo cɛnsaga
 naa yinngɛle ngele ke yen fyɔngɔ ni ke ni fuun
 larasaga,
 naa sannjere nda ti yen fyɔngɔ ni Yenngɛle yege
 na, a ti mege kì pen ti larasaga.

³ Katugu kì tara woolo pe ni fuun pe kan, a
 pège kɛenre pyendorogo duven wa wɔ. Tara na
 wunlumbolo pè kɛenre pye ki ni, a tara na safari
 wafenne pè penjagbɔɔ ta ki yarijende legere ti
 kala na.»

⁴ A mì si magala la yege logo ma yiri wa
 yenngɛle na, na yuun fɔ: «*Na woolo, ye yiri wa
 Babiloni cagbɔɔ ki ni†*, jango yaga ka pye ki
 pinleyɛenle ki kapere ti na, mbe ye tasaga ta wa
 jɔlɔɔ gbɔɔ nga ki yaa to ki na ki ni.

⁵ Katugu ki kapere tì tagala ti yee na fɔ ma saa
 gbɔn wa yenngɛle na. A Yenngɛle lì nawa to ki
 katijangara ti na.

⁶ Yege sara ye yala paa yege nga na kì ye sara
 we. Kapyere nda kì pye, yeri si shyen songɔɔ
 ki na. Wɔjenne na kila yin ma kan ye yeri, yeli
 si shyen yin ki kan sinme mba pì weli welisaga
 shyen naa ma we mba kila kan ye yeri pi na.

⁷ Kigi yee gbɔɔ ma yarijende legere ta ki yee
 kan ma gbɔn yege nga na, ye jɔlɔɔ naa kunwɔ
 kayanga wa ki na ma fun. Mà jen ki yen naga
 yuun wa ki nawa ma yo fɔ: «*Mi yen ma cɛn
 laga paa wunlunjo yen. Mi woro nanjunjo, mi
 se kunwɔ kayanga jen fyew.*»†

† **18:2 18.2:** Eza 21.9 † **18:4 18.4:** Zhere 51.45 † **18:7 18.7:**
 Eza 47.8

⁸ Ko kì ti jòlògò kagala ngele ke yen ma tege ki kan, ke yaa to ki na pilige nungba ni. Koro yen: Kunwò, naa kunwò kayanga, naa fungo gbògò. Kasòn ki yaa ka ki ni fuun ki sogo, katugu we Fò Yenñele na li yen na kiti kòon ki na, li yen fannga fò.»

⁹ Tara na wunlumbolo mbele pè kéenre ti pye ki ni ma yarijende legere ta ki ni, pe yaa kaa gbele mbaa kafonno waa, na paga kaga sogowo wirige ki yan we.

¹⁰ Pe yaa ka yere wa lege jòlògò nga ki yaa ki ta ki fyere ti kala na, mbaa yuun fò:

«Jòlògò, yingì jòlògò nga!

How cagbògò Babilòni, mboro ña ma yen fannga ni we!

Kiti wì kòn ma na leri nungba ni!»

¹¹ Safari wafenne mbele laga tara na, a paa gbele fun na kafonno waa ki kala na, katugu lere wa kpe woro na pe safari wayaara ta loo naa fyew. Ki safari wayaara ti nda:

¹² Te, naa warifuwe, naa sinndere sonngbanga woro, naa somu tiyoon, naa len paara tiyoon, naa paara sonngbanga woro, naa paara tiyoon nda pe yinri sowa, naa pariyenre tiyoon ta ni, naa tire nuwo taan cenle pyew ti ni, naa yaara nda fuun ti gbegele solo nganla ni, naa yaara nda fuun ti gbegele tire sonngbanga woro ni, naa tuguyenre, naa tuguron, naa sinndelege nga pe yinri maribiri,

¹³ naa sinme nuwo taan mba pe yinri kaneli, naa mba pe yinri aromati, naa latikoro, naa sinme nuwo taan mba pe yinri miiri, naa wusuna nuwo taan, naa duven, naa sinme, naa buru

muwe, naa sholo, naa nere, naa simbaala, naa shonye, naa wotoroye, naa kulolo konaa leele yinngelè ni yere.

¹⁴ A ki safari wafenne pè si cagbogo ki pye fo: «Yaara nda fuun màa pye na jaa mbe ta, ti sho ma yeri. Ma yarijende naa ma yaritiyonro ti ni fuun ti punngo ma yeri. Ma seri yan yenle ni naa fyew!»

¹⁵ Safari wafenne mbele pè safari wi wa ma penjagboro ti ta wa ki ca ki ni, pe yaa ka yere wa lege jologo nga ki yaa ki ta ki fyere ti kala na. Pe yaa kaa gbele mbaa kafonno waa.

¹⁶ Pe yaa kaa yuun fo:

«Jologo, yingi jologo nga cagbogo ki na!
Ko nga ki leele paa pe yee po len paara tiyonro ni,
naa paara songbanga woro, naa pariye nre tiyonro ni.

Paa pe yee fere te, naa sinndere songbanga woro, naa somu tiyonro ni.

¹⁷ A ki yarijende legere ti ni fuun ti jogo leri nungba ni!»

Tonmokooro fevenne pe ni fuun, naa mbele fuun pe maa pe tangala li piin ti ni, naa tonmokooro nawa tunmbyeele pe ni, naa mbele fuun pe maa pe yon suro ti taa wa kogoje wi ni†, pè si yere wa lege

¹⁸ nee gbele ngbanga, naa pege sogowo wirige ki yan we, na yuun fo: «Ca ko ka fa yiri mbege cagbogo nga ki bo!»

† 18:17 18:17: Eze 27.29

19 *A pe nɛɛ taambugɔ koli naga wuun wa pe yɛɛ yinrɛ ti na yesanga ki na, pàa pye na gbele na kafɔnnɔ waa† na jɔrɔgi na yuun fɔ:*

«Jɔlɔgɔ, yingɔ jɔlɔgɔ nga cagbɔgɔ ki na!

Ki yarijendɛ ti kala na, mbele fuun tɔnmɔkɔɔrɔ yɛn pe yeri wa kɔgɔje wi na, pè pye penjagbɔrɔ fɛnnɛ.

A ki yaara ti ni fuun tì kɔ leri nunɓa ni!»

20 Yoro mbele wa yɛnɛɛ na, yaa yɔgɔri ki jɔgɔwɔ pi kala na.

Yoro mbele ye yɛn Yɛnɛɛ li leele kpoyi fun, naa pitunmbolo, naa Yɛnɛɛ yɔn sɛnrɛ yofɛnnɛ, yaa yɔgɔri ki na!

Katugu Yɛnɛɛ lî kiti kɔn ki na, tipege nga kî pye ye na ki kala na!

21 Kona, a mɛrɛgɛ fanɓga fɔ wà si sinndɛɛgɛ ka lɛ paa tira gbenɓe nga pe maa shɔlɔ tire ki na ki yɛn, mɛɛ ki wa wa kɔgɔje wi ni, ma yo fɔ: «*Pa pe yaa ka Babilɔni cagbɔgɔ ki wa fanɓga ni yɛɛn we, ki se ka yan naa yɛnlɛ ni fyew.*†

22 Pe se ka juru magala, naa yurukɔɔlɔ maganɓala, naa wegele konaa mbanlaga magala logo wa ma ni naa fyew. Pe se ka tunɓgo ka jɛnfɔ yan wa ma ni naa. Tira nga pe maa shɔlɔ tire ki na, pe se ka ki tirewe tinmɛ pi logo wa ma ni naa.

23 Fitanla yanwa se ka yan wa ma ni naa fyew. Pe se ka japɔlɔ naa pijɔ magala logo wa ma ni naa. Ma safari wafɛnnɛ poro pàa pye dunruya wi legbɔɔlɔ wele. Mà dunruya cɛngɛɛ woolo pe ni fuun pe fanla ma pe punɓgo ma lekara ti ni.»

† 18:19 18:19: Eze 27.30-31 † 18:21 18:21: Zhere 51.64

²⁴ Jolɔgɔ to Babiloni ca ki na, katugu Yenɲele yon senre yofenne, naa Yenɲele li leele kpoyi konaa leele mbele fuun paa gbo laga tara ti na, pè pe kasanwa pi yan wa ki ni.

19

¹ Ko punɔgɔ na, a mì si magala gbɔlɔ la logo ma yiri wa yenɲele na paa janwa gbɔlɔ magala yen, ma yo fɔ:

«Aleluya! Showɔ, naa gbɔgɔwɔ, naa yawa pi yen we Yenɲele li woo;

² katugu li kiti kɔngɔ ki yen kaselege ma sin. Nanjaa gbɔɔ ɲa wila pye na tara woolo pe jogo wi nanjara ti ni,

li kiti kɔn wi na.
Yenɲele li tunmbyeele mbele wila gbo ma pe kasanwa pi wo,
ligi fɔgɔ ki tɔn wi na.»

³ A pè sho naa fɔ:

«Aleluya! *Cagbɔgɔ ki sogowo wirige ki yen na yinrigi fɔ sanga pyew!*»[†]

⁴ Lelelele nafa ma yiri tijere poro naa yaara yenwere tijere ti ni, ti si kanɲguuro kan ma Yenɲele li gbɔgɔ, lo na li yen ma cen wa wunluwo jɔngɔ ki na we, ma yo fɔ:

«Anmiina! Aleluya!»

Simbapyɔ wi jayire liwen senre

⁵ A magala là si yiri wa wunluwo jɔngɔ ki na, ma yo fɔ: «Yaa we Yenɲele li sonni, yoro mbele fuun ye yen li tunmbyeele, yoro mbele yaa fyɛ li yege we, piile naa lelelele.»

[†] 19:3 19.3: Eza 34.10

⁶ A m̀ si magala gb̀lo la logo paa janwa gb̀lo tinme, naa t̀nngb̀o tinme konaa yenn̄e gbaanra ngbanga yen, laa yuun f̀: «Aleluya! Katugu we F̀ Yenn̄e na yawa pi ni fuun F̀, li c̀n li wunluẁ pi na!

⁷ Ye ti waa ỳg̀ri, we pye nayinme ni, waa Yenn̄e li gbogo, katugu Simbap̀ wi jayire t̀ gb̀n, wi j̀ ẁu yee gbeḡe.

⁸ P̀ koǹ kan wi yeri wi len paraga tiyong̀ p̀, nga ki yen na yenḡe ma pye kpoyi.» Ki len paraga tiyong̀, ko ki yen Yenn̄e li leele kpoyi pe kasinḡe wele.

⁹ A mer̄ge ẁ silan pye f̀: «Ki ỳnl̀g̀ ma yo f̀: Mbele p̀ yeri Simbap̀ wi jayire liwen pi na, fer̄we yen pe wool!»

A ẁ silan pye naa f̀: «Ki senre nda ti yen Yenn̄e li kaselege senre jate.»

¹⁰ A m̀ si to wi jegele mboo gb̀g̀, eɛn f̀, a ẁ silan pye ma yo f̀: «Maga kaga pye! Katugu mi yen mboro naa ma sefenne pe ni, ye tunngo pyeyenle wa, poro mbele p̀ Zhezu wi ser̄ya senre ti yigi we! Ta Yenn̄e lo gb̀g̀!»

Zhezu wi ser̄ya senre to ti yen nda Yenn̄e ỳn senre yofenne pe maa yuun Yinne li fann̄a na.

Sh̀n fuwe luguf̀ wi senre

¹¹ A m̀ si yenn̄e li yan l̀ yenḡe, mee sh̀n fuwe yan wa. Na wi yen ma lugu ma c̀n wi na, poo yinri Senre nungba yof̀ naa Kaselege. Wi maa kiti k̀on na malaga gb̀on kasinḡe ni.

¹² Wi yenḡe kaa yiin paa kas̀n yinne yen. Wunluẁ njagala leḡe yen wa wi go ki na.

Mεγε ka yen ma yonlogɔ wi na, nga lere kpe sigi jen na wo nunɔba ma.

¹³ Wila derigbɔgɔ ka le, nga pè le kasanwa. Pe maa wi yinri† «Yenɔele senre.»

¹⁴ Malingbɔɔnlɔ mbele wa yenɔele na, a pè si taga wi punɔgo na, ma lugu shɔn file na, ma pe yeɛ pɔ len paara tiyɔnrɔ ni, nda ti yen ma filige ma laga kpoi.

¹⁵ A tokobi yon taan wa neɛ yinrigi wa wi yon, na wi yaa tege mbaa cengele woolo pe gbɔɔn wi ni. *Wi yaa kaa pe yege sinni tugurɔn kanɔgala ni.*† Wi yaa ka ezezen pire ti tangala wa ti pire tonmɔ wɔsaga ki ni, ko ki yen Yenɔele na yawa pi ni fuun fɔ li nanɔbanwa gbɔɔ we.

¹⁶ Μεγε ka yen ma yonlogɔ wi derigbɔgɔ naa wi jegbɔlɔ li na, ma yo fɔ: «Wunlumbolo pe Wunluwɔ, naa tafenne pe Fɔ.»

¹⁷ A m̀ si mεrege wa yan wi yere wa yonlɔ ki ni. A ẁ si gbele nɔgbanga ma sannjere nda fuun ti yen na toro sire na wa naayeri ti pye fɔ: «Ye pan ye gbogolo† Yenɔele li liwen gbɔɔ pi na;

¹⁸ ye wunlumbolo pe wire kara ti yoli, naa sorodasheelee teele pe wire kara to naa shonye wire kara ti ni, naa shɔn lugufenne pe wire kara to naa leele pe ni fuun pe wire kara ti ni, kulolo naa leselee, naa piile naa lelele.»

¹⁹ Ko punɔgo na, a m̀ si wonɔgbɔ wo naa tara na wunlumbolo, naa pe malingbɔɔnlɔ pe yan pè gbogolo mbe malaga gbɔn na wi yen ma lugu ma cen shɔn wi na wo naa wi malingbɔɔnlɔ pe ni.

† 19:13 19:13: Zhan 1.1-14; 1 Zhan 1.1 † 19:15 19:15: Yuuro 2.9 † 19:17 19:17: Eze 39.17

²⁰ A pè si wongbo wi yigi, ma pinle Yenñele yon senre yofɔ yagboyoo wi ni, wo wila kafonngolo pye wongbo wi yege na. Leele mbele wongbo wi gbɔnrɔ tila pye pe na, a pɔo yanleɛ wi gbɔgo, wila pe fanla ma pe pungo ki kafonngolo ke ni. A pè pe shyen pe yigi ma pe wa yenwegele na wa wegboɔgo kason ki ni, nga ni kiribi wi yen na sori we.

²¹ Na wi yen ma lugu ma cen shon wi na, tokobi na wila yinrigi wa wi yon, a wi si sanmbala pe gbo wi ni. A sannjere ti ni fuun ti pe kara ti yoli ma tin ti na.

20

Yeɛ waga kele kala

¹ Kona, a mi si merege wa yan wi yiri wa yenñele na na tinri. Wetijugo lakile naa jɔrɔgo gbeɛ la pye wi keɛ.

² A wi si yarifelege ki yigi, woɔgo lege† ye, ko ki yen Mege jɔgofo we, naa Sotanla we. A wi suu po mboo yaga wa fo sa gbɔn yeɛ waga kele (1 000),

³ mee wi wa wa wetijugo ki ni, maga yon ki sogɔ lakile wi ni, ma tegeɛ tege ki na, jango yarifelege kiga ka ya yiri wa ki ni mbaa cengele woolo pe fanla mbaa pe punngu fo yeɛ wagakele (1 000) li sa ko. Ko pungo na, ki daga pege sanga pege yaga ki wagati jenri pye.

⁴ A mi si wunluwo jonro yan. Mbele pa pye ma cen ti na, a pe fannga kan pe yeri paa kiti kon. Mbele yinre pa kologi, katugu pa Zhezu wi sereya wo naa Yenñele senre ti yari,

† 20:2 20.2: Zhenɛ 3.1

naa mbele pe sila wongbo wo naa wi yanle wi gbogo, pee si yenle pe wongbo wi gbonro ti taga pe walere naa pe keyen† yi na, a mi si pe yinngede ke yan. A pe si yen ma yiri wa kunwo pi ni ma wunluwo pi pye Kirisi wi ni ja ma saa gbon yele wagakele (1 000).

⁵ Kuulo sanmbala poro sila yen fo yele wagakele (1 000) li saa ko. Ko ki yen kuulo pe yenme kongbanmba we.

⁶ Mbele pe pe tasaga ta wa kuulo pe yenme kongbanmba pi ni, ferewe yen pe woo, a pe yen Yennele li leele kpoyi. Kunwo shyen† woo pi se fannga ta pe na naa, een fo, pe yaa ka pye Yennele lo naa Kirisi wi ni pe saraga wofenne. Pe yaa ka wunluwo pi pye wi ni ja mbe sa gbon fo yele wagakele (1 000).

Zhezu wi ya Sotanla wi ni

⁷ Na yele wagakele (1 000) liga ka ko, pa pe yaa Sotanla wi wo wa wi kaso wi ni mboo wa.

⁸ Kona, wi yaa kari mbe saa cengele woolo mbele pe yen dunruya wi go tijere ki na pe fanla, ko ki yen Gogi naa Magogi† we. Wi yaa ka pe gbogolo malaga ki kala na, pe yaa ka lege paa kogojje yon taambugo ki yen.

⁹ A pe si tara ti ni fuun ti togo wa na paan, mee pan ma Yennele li leele kpoyi pe censaga konaa ca nga ki Yennele li ndanla jenge ki maga. Een

† 20:4 20:4: Naga 13.1,16 † 20:6 20:6: *Kunwo shyen woo: Po pi yen wegbogo kason ye. Lere na ka po ta wi yaa pye mbe lali Yennele li ni pew.* † 20:8 20:8: *Gogi naa Magogi: Poro pe yen Yennele li mbenfenne wele, pe maa wiin li ni; Eze 38.2.*

fɔ, a kason si yiri wa yenɲele na ma to pe na ma pe sogo pew.†

¹⁰ Kona, a pè si Sotanla ɲa wila pye na pe fanla wi wa wa wegbɔgɔ kason ki ni, ko ɲga kiribi wi yen na sori wa we, wa laga ɲga pàa wongbɔ wo naa Yenɲele yɔn senre yofɔ yagboyoo pe wa we. Pe yaa kaa jolo wa sonlo naa yembinε fɔ sanga pyew.

Kiti pungo woo wi kɔngɔ senre

¹¹ Kona, a m̀ si wunluwɔ jɔngɔ gbɛɲge fige ka yan, naa ɲa wi yen ma cen ki na wi ni. A tara to naa naayeri wi ni, ti si fe ma yiri wa wi yege sɔgɔwɔ, pe siri yan naa fyew.

¹² Kona, a m̀ si kuulo pe yan, piile naa leleεε, yeresaga le wunluwɔ jɔngɔ ki yege na. A sɛwεεε pèle si yengε. A sɛwε wa si nuru naa ma yengε, ɲa wi yen yinwege sɛwε we. A pè si kiti kɔn kuulo pe na ma yala pe kapyegele ke ni, ɲgele kàa pye ma yɔnlogɔ wa sɛwεεε pe ni we.

¹³ A kɔgɔje ẁ si kuulo mbele pàa pye wa wi ni pe yirige ma pe kan. Kunwɔ po naa kuulo tara ti ni, a ti kuulo mbele pàa pye wa ti ni pe yirige ma pe kan fun. A pè kiti kɔn kuulo pe ni fuun nunɲba nunɲba pe na ma yala pe kapyegele ke ni.

¹⁴ A pè kunwɔ po naa kuulo tara ti wa wa wegbɔgɔ kason ki ni. Ki wegbɔgɔ kason ko ki yen kunwɔ shyen woo we.

¹⁵ *Lere ɲa fuun wi mεge ki woro ma yɔnlogɔ wa yinwege sɛwε wi ni,† pàa wo wa wa wegbɔgɔ kason ki ni.*

† 20:9 20.9: 2 Wunlu 1.10-12 † 20:15 20.15: Yuuro 69.29

21

Naayeri fɔnɔ naa tara fɔnndo kala

¹ *Kona, a m̀ si naayeri fɔnɔ naa tara fɔnndo yan†, katugu naayeri koŋbanɔa wo naa tara koŋbannda ti ni, ti toro ma kɔ. Kɔgɔje sila pye wa naa.*

² *A m̀ si ca kpoyi ki yan, Zheruzalemu fɔnɔ we, a k̀ yiri wa naayeri wa Yɛnɛɛ li tanla na tinri, ma gbɛgɛɛ paa piɔ yɛn, ɔa ẁu yɛɛ fere wi pɔɔ kan.*

³ *A m̀ si magala gbɔɔ la logo ma yiri wa wunluwɔ jɔngɔ ki ni, laa yuun fɔ: «Wele, Yɛnɛɛ li cɛnsaga ki yɛn wa leele pe sɔgɔwɔ! Li yaa koro wa pe ni, pe yaa pye li woolo,†Yɛnɛɛ lo jate li yaa pye pe ni mbe pye pe Yɛnɛɛ.*

⁴ *Li yaa ka yɛntunwɔ pi ni fuun pi tulu mboo wɔ wa pe yɛngɛɛ ke ni.† Kunwɔ se ka pye wa naa, kunwɔ kayanɔa se ka pye wa naa, nakoma gbelege, nakoma kayanɔa, katugu yaara koŋbannda ti toro ma kɔ.»*

⁵ *Kona, ɔa wi yɛn ma cɛn wa wunluwɔ jɔngɔ ki na ẁ sho fɔ: «Yinɔ mi yɛn na yaara ti ni fuun ti piin fɔnndo.» A ẁ silan pye fɔ: «Ki yɔnɔgɔ, katugu na sɛnrɛ nda ti yɛn kaselege sɛnrɛ, nda ti daga lere mbe taga ti na.»*

⁶ *A ẁ silan pye naa fɔ: «K̀ pye ma kɔ†. Mi yɛn Alifa naa Omeɔa, Lɛsaga naa Kɔsaga. Wɔgɔ yɛn ɔa na, mi yaa pulugo yinwege tɔnmɔ kan wi yeri wi wɔ waga.*

† 21:1 21.1: Eza 65.17 † 21:3 21.3: Zaka 2.15 † 21:4 21.4: Eza 25.8 † 21:6 21.6: Ki sɛnrɛ ti kɔrɔ wowi ɔa fɔ: Nɔa mi yo miɔi pye mako.

⁷ Na ka cew ta, wi yaa pye ki yaara nda ti kɔrɔgɔ lifɔ. Mi yaa pye wi Yenɲele, wi pye na pinambyɔ†.

⁸ Eɛn fɔ, mbele pe maa fyɛ, naa mbele pee taga, naa katijangara pyefenne, naa legboleele, naa kɛɛnɛ lifenne, naa lekaala, naa yarisunndo sunvenne, naa yagboyoolo pe ni fuun pe yaa ka pe tasaga ta wa wegbɔgɔ kason ki ni, ɲga ni kiribi wila sori we. Ko ki yen kunwɔ shyen woo we.»

Zheruzalemu fɔnɲɔ sɛnɛ

⁹ Kona, wɔɲɛɲɛle kɔlɔshyen ɲgele kaa pye ma yin jɔlɔgɔ kagala kɔlɔshyen pungo wogolo ke ni, kaa pye mɛɛɲɛye kɔlɔshyen mbele kɛɛ, a wo wà si pan mala pye fɔ: «Pan laga, mi yaa pijɔ wi naga ma na, Simbapɔ wi jɔ we.»

¹⁰ A Yinnekpoyi li si ye na ni, a mɛɛɲɛ wì si kari na ni yanwiga titɔnlɔgɔ ka na, mɛɛ ca kpoyi Zheruzalemu ki naga na na. Kila yiri wa naayeri wa Yenɲele li tanla na tinri.

¹¹ Yenɲele li gbɔgɔwɔ yanwa pila pye wa ki ni. Ca ki yanwa pila pye na yiin paa sinndeɛɛɛ sɔnɲɔbanga wogo yen, paa zhasipi sinndeɛɛɛ sɔnɲɔbanga wogo yen, ɲga pe maa wele na yaan wa ki kɛɛ ɲga na ma mbe yo kirisitali wi.

¹² Mbogo gbɔgɔ titɔnlɔgɔ la pye maga maga, maga fili. Yeyɔnrɔ kɛ ma yiri shyen tila pye ki na. Mɛɛɲɛye kɛ ma yiri shyen la pye ma cɛn ki yeyɔnrɔ ti na nari go singi. Izirayeli cɛngɛɛ kɛ ma yiri shyen ke mɛɛ tila pye ma yɔnlɔgɔ ki yeyɔnrɔ ti na.

† 21:7 21.7: 2 Sami 7.14; Zaka 8.8

13 Yeyonro taanrindaanri la pye ca ki kee tijere ki ni fuun ki na: taanri la pye wa yonlo yirisaga kee yeri, taanri la pye wa yonloparawa kamejge kee yeri, taanri la pye wa yonloparawa kalige kee yeri, taanri la pye wa yonlo tosaga kee yeri†.

14 Ca ki mbogo nogo kila pye ma cen sinndere ke ma yiri shyen na. Simbapyo wi pitunmbolo ke ma yiri shyen pe mere tila pye ma yonlogo ki sinndere ti na.

15 Merege na wila pye na para na ni, te kanngala† la pye wi yeri, laga taanla wolo, mbe ca ko naa ki yeyongo naa ki mbogo ki taanla.

16 Ca ki keyen tijere yi ni fuun yi yen ma yala. Ki titonlowo po naa ki gbeme pi yen ja. A merege wi si ca ki taanla wi kanngala li ni, ma sigi yan ki yen culo waga shyen naa cenme shyen 2 200. Ki titonlowo, naa ki gbeme, naa ki yagawa pi ni fuun pila pye ja.

17 A merege wi si mbogo ki taanla fun, maga yan ki yen mere nafa taanri ma yiri ke ma yiri shyen†, ma yala leele pe laga taanlayaraga ki ni, nga ki yen nungba merege wi wogo ki ni we.

18 Paa ca ki mbogo ki kan zhasipi sinndere sonngbanga woro ni, mee ca jate ki kan te piiri ni, na wi yen paa veri fuwe yen.

19 Paa ca ki mbogo nogo ki fere sinndere sonngbanga woro ti cenle pyew ti ni. Ki nogo sinndelege konngannga kila pye zhasipi sinndelege. Ki shyen wogo kila pye safiri. Ki taanri wogo kila pye kaliseduwani. Ki tijere wogo kila pye emerodi.

† 21:13 21:13: Eze 48.31-34 † 21:15 21:15: Eze 40.3,6 † 21:17 21:17: Naga 13.18; Eze 48.16-17

20 Ki kanḡurugo wogo kila pye ɔnikisi. Ki kɔḡɔlɔni wogo kila pye sariduwani. Ki kɔlɔshyen wogo kila pye kirizoliti. Ki kɔlɔtaanri wogo kila pye berili. Ki kɔlɔjere wogo kila pye topazi. Ki ke wogo kila pye kirizopirazi. Ki ke ma yiri nunḡba wogo kila pye yasenti. Ki ke ma yiri shyen wogo kila pye ametisiti.

21 Ca ki yeyɔnrɔ kɔɔrɔ ke ma yiri shyen ti yen somu piile ke ma yiri shyen. Kɔrɔ nunḡba nunḡba pyew ki yen somu pyɔ nunḡba. Ca nawa kɔnḡbɔḡɔ kila pye te piiri ni, paa veri yen, ɲa pe maa wele na yaan wa wi kee ɲga na.

22 Mi sila sherigo ḡbɔḡɔ yan wa ki ca ki ni, katugu we Fɔ Yenɲele na yawa pi ni fuun fɔ lo naa Simbapyɔ wi ni, poro pe yen ki sherigo ḡbɔḡɔ ye.

23 Ca kii jori yɔnlɔ yanwa kala, nakoma yenḡe yanwa kala, katugu Yenɲele li ḡbɔḡɔwɔ po pi yen ki yanwa we, a Simbapyɔ wi yen ki fitanla.

24 *Tara woolo pe yaa kaa tanri ki yanwa pi na. Tara na wunlumbolo pe yaa kaa paan pe ḡbɔḡɔwɔ pi ni mbaa pi kaan.*†

25 Ki ca yeyɔnrɔ ti se ka tɔn sɔnlɔ na fyew, katugu yembinɛ se ka pye wa.

26 Pe yaa ka pan tara woolo pe ḡbɔḡɔwɔ naa pe sɔnmɔ pi ni wa ki ni.

27 Fyɔnḡɔ yaraga se ka ye wa ki ca ki ni, nakoma lere ɲa wi maa katijangara piin konaa ɲa wi maa finlele, ndɛɛ mbele pe mɛɛ ti yen ma yɔnlɔḡɔ wa Simbapyɔ wi yinweḡe sɛwe wi ni poro.

† 21:24 21.24: Eza 60.3-5

22

¹ Kona, a merεge wì si yinwege tɔnmɔ gbaan wi naga na na fun, a pila yengele ndεε kirisitali wi, na yinrigi wa Yenηele lo naa Simbapyɔ wi ni pe wunluwɔ jɔngɔ ki ni,

² na fuun wa ca nawa koηgbɔgɔ ki nandogomɔ. *Yinwege tige yen gbaan wi koηgo shyen ki na, ki ma se sesaga ke ma yiri shyen yele li ni, ko kɔrɔ wo yen fɔ ki ma se yenge pyew. Ki tige werε ti yen mbaa tara nungba nungba pyew ti woolo pe shoo.*†

³ Yenηele li danɔa ki se ka to yaraga ka na wa ki ca ki ni fyew.

Yenηele lo naa Simbapyɔ wi ni pe wunluwɔ jɔngɔ ki yaa ka pye wa ca ki ni, Yenηele li tunmbyeele pe yaa kaa li gbogo.

⁴ Pe yaa kali yege ki yan, li mege ki yaa ka pye mbe yɔnlɔgɔ wa pe walere ti na.

⁵ Yembine se ka wɔ naa. Pe se ka jori fitanla yanwa kala, nakoma yɔnlɔ yanwa kala, katugu we Fɔ Yenηele li yaa kaa yanwa yinrigi pe kan. *Pe yaa ka pye wunlumbolo fɔ sanga pyew.*†

SENRE PUNGO WORO KONAA DUWAW SENRE

22.6-21

Zhezu wi panga senre

⁶ Kona, a merεge wì silan pye fɔ: «Ki senre nda ti yen kaselege senre, ti daga lere mbe taga ti na. We Fɔ Yenηele na li Yinne li kan li yɔn senre yofenne pe yeri, lili merεge wi torogo, sanni

† **22:2 22.2:** Eze 47.12. Veriseye mbele pe wele fun wa Zhene 2.9; 3.22wi ni. † **22:5 22.5:** Dani 7.27

jenri, nga ki daga mbe pye, wi pan wigi naga li tunmbyeele pe na.»

⁷ Zhezu wì yo fò: «Wele, sanni jenri mila paan! Mbele paa ki sɛwɛ ɲa wi Yɛɲɲɛle senyoro ti gbogo, fɛrɛwɛ yɛn pe woo!»

⁸ Mi Zhan, m̀igi kagala ke logo ma ke yan. Na mila kaa ke logo ma ke yan, mɛrɛgɛ ɲa wila ke naga na na, a m̀i si to wi jegele mboo gbogɔ.

⁹ Ɛɛn fò, a wì silan pye fò: «Maga kaga pye! Mi yɛn mboro naa ma sefɛnnɛ pe ni ye tunɲo pyeyɛnɛ wa, poro mbele pe yɛn Yɛɲɲɛle yɔn sɛnrɛ yofɛnnɛ, naa mbele paa ki sɛwɛ ɲa wi sɛnrɛ ti gbogo we. Ta Yɛɲɲɛle lo gbogo!»

¹⁰ Kona, a wì silan pye naa fò: «Maga kaga sɛwɛ ɲa wi Yɛɲɲɛle senyoro ti yaga larawa, katugu ti kagala ke pyesanga wì yɔngɔ.

¹¹ Ɓa wi woro ma sin, wi koro wa wi mbasinmɛ pi ni. Ɓa wi yɛn fyɔngɔ ni, wi koro wa wi fyɔngɔ ki ni. Ɓa wi yɛn ma sin, wi koro wa wi sinmɛ pi ni. Ɓa wi yɛn kpoyi, wi koro kpoyi.»

¹² Zhezu wì yo fò: «Wele, sanni jenri mi yaa pan! Mi yaa pan na sara wi ni mbe pan mbe lere nungba nungba pyew wi sara mbe yala wi kapyege ki ni.

¹³ Mi yɛn Alifa naa Omɛnga, koɲgbanna naa pungofò, lesaga naa kɔsaga.»

¹⁴ Mbele ka pe deere titɔɔnrɔ ti jogo, jango mbe ta mbe yinwege tige pige ka ka konaa mbe ye wa ca ki yeyɔnrɔ ti ni, fɛrɛwɛ yɛn pe woo.

¹⁵ Mbele pe yaa koro wa funwa na, poro wele katijangara pyefɛnnɛ wele, naa lekaala, naa kɛɛnrɛ lifɛnnɛ, naa legbolelele, naa yarisunndo

sunvenne konaa mbele fuun pe maa finlele senyoro ni naa kapyegele na!

¹⁶ «Mi Zhezu, mila merexe wi tun wi sa ki kagala ke yari ye kan wa legiliziye pe ni. Muwi mi yen ninje naa Davidi wi setirige pyo we. Mi yen lalaaga wonno na li maa yiin we.»

¹⁷ Yinnekpoyi lo naa pijɔ wi ni pe yen naga yuun fo: «Ta paan!»

Na kaga logo, wila ki yuun fun fo: «Ta paan!»

Wogo yen na na, wila paan. Na wila yinwege tonno pa jaa, wi yaa pi ta waga.

Senre punjo woro

¹⁸ Mbele paa ki sewe na wi Yenjele senyoro ti nuru, mi Zhan mila ki yuun naga ngbanni pe ni fo: «Na lere wa ka senre ta taga ti na, jologo kagala ngele ke yen ma yonlogo laga ki sewe na wi ni, Yenjele li yaa ke taga wi kan.

¹⁹ Na lere wa ka si senre ta wo laga ki sewe na wi Yenjele senyoro ti ni, tasaga nga wi yaa ta wa yinwege tige pige ko naa ca kpoyi ki ni, Yenjele li yaa ti sho wi yeri, to nda ti kagala ke yen ma yonlogo laga ki sewe na wi ni we.»

²⁰ Zhezu na wila ki kagala ke yuun na ke finligi, wi yo fo: «Ee, sanni jenri mila paan!»

Anmiina! Ta paan we Fo Zhezu!

²¹ We Fo Zhezu wi yinme pi pye leele pe ni fuun pe ni!

**Bibulu Jinmiire ni
Sénoufo, Djimini: Bibulu Jinmiire ni Bible**

copyright © 2014 Wycliffe Bible Translators, Inc.

Language: Djimini Senoufo

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 18 Apr 2025 from source
files dated 29 Jan 2022

a4863791-1c91-5f31-9a8f-034a18a2f8d8